


元史



本紀卷第三十六

元史三十六

南京國子監

祭酒黃儒炳

補刊

司業葉燦

文宗五

三年春正月辛未朔高麗國王楨遣其臣元忠奉表稱賀貢方物癸酉命高麗國王王燾仍為高麗國王賜金印初燾有疾命其子楨襲王爵至是燾疾愈故復位甲戌賜燕鐵木兒妻公主月魯金五百兩銀五千兩丁丑禁冒哀求敘復者賑糶米五萬石濟京師貧民已卯時享太廟罷諸建造工役惟城郭河渠橋

道倉庫勿禁廣西羅偉里叛寇馬武冲等合龍州嶺
北朗龍洞韋大蟲賊兵萬人攻陷那馬達那馬安等
砦命廣西宣慰司嚴軍禦之月闕察兒冒請衛士芻
束當坐罪燕鐵木兒請釋之壬午命甘肅行省爲幽
王不顏帖木兒建居第封孔子妻鄆國夫人元官氏
爲大成至聖文宣王夫人癸未給納鄰等十四驛糧
及芻粟賑永昌路流民慶遠南丹等處溪洞軍民安
撫司言所屬宜山縣饑疫歿者衆乞以給軍積穀二
百八十石賑糶從之江西行省言梅州頻年水旱民
大饑命發粟七百石以賑糶丙戌印造歲額鈔本至

元鈔九十九萬六千錠中統鈔四千錠丁亥幸大承
天護聖寺賜諸王帖木兒及其妃阿刺赤八刺金五
百兩銀萬兩鈔二萬錠幣帛各千匹監察御史劾奏
翰林學士承旨典哈其兄野里牙坐誅當罷從之戊
子萬安軍黎賊王奴羅等集衆五萬人寇陵水縣已
丑賑肇慶路高要縣饑民九千五百四十口四川行
省言去年九月左丞帖木兒不花與祿余賊兵戰被
創賊遂侵境乞調重慶敘州兵二千五百人往救之
順元宣撫司亦言賊列行營爲十六所乞調兵分道
備禦詔上都留守司爲燕鐵木兒建居第御史臺言

選除雲南廉訪司官多託故不行繼今有如是者風
憲勿復用制可戊戌命中書省以鈔三千錠幣帛各
三千匹給皇子女納答刺歲例鷹犬回賜諸王章吉
獻幹羅思百七十人酬以銀七十二錠鈔五千錠已
亥給幹羅思千人衣糧山南道廉訪副使禿堅董阿
劾荆湖北道宣慰使別列怯都嘗貸內府鈔威逼部
民代償不足則以宣慰司公帑鈔償之又副使驢駒
以修治汾江堤岸縱家奴掊歛民財二人罪雖遇赦
宜從黜退御史臺臣以聞從之庚子封公主不納爲
鄆安大長公主夔路忠信寨洞主阿具什用合洞蠻

八百餘人寇施州二月辛丑朔八番苗蠻駱度來貢
方物癸卯諸王也先帖木兒薨甲辰諸王答兒馬天
里哈兒蠻各遣使來貢蒲萄酒西馬金鴉鶻乙巳以
湖廣行省平章玘璐不華爲陝西行臺御史大夫給
函王及其王傅祿戊申雲南行省言會通州土官阿
賽及河西阿勒等與羅羅賊兵千五百人寇會川路
之卜龍村又祿余將引兵與茫部合寇羅羅斯截大
渡河金沙江以攻東川會通等州臣等敢奉先所降
詔書招諭之不奉命則從宜進軍制可己酉賜怯薛
官完者帖木兒及阿昔兒珠衣帽德寧路去年旱復

值霜雹民饑賑以粟三千石旌晉寧路沁州劉瑋妻
張氏志節祿余言于四川行省自父祖世爲烏撒土
官宣慰使佩虎符素無異心曩爲伯忽誘脅比聞朝
廷招諭而今期限已過乞再降詔赦卽率四路土官
出降仍乞改屬四川省隸永寧路與得休息四川行
省以聞詔中書樞密御史諸大臣雜議之己未旌寧
夏路趙那海孝行辛酉燕鐵木兒兼奎章閣大學士
領奎章閣學士院事己巳命燕鐵木兒集翰林集賢
太禧宗禋院議立太祖神御殿詔修曲阜宣聖廟卬
州有二井宋舊名曰金鳳茅池天曆初九月地震鹽

水湧溢州民候坤願作什噐煮鹽而輸課於官詔四
川轉運鹽司主之旌濟州任城縣王德妻秦氏婺州
路金華縣吳墳妻宋氏廬州路高仁妻張氏甘州路
岳忽南妻失林蓋州完顏帖哥住妻李氏志節三月
庚午朔帝師至京師遣使往西域賜諸王不賽因繡
綵幣帛二百四十匹中書省臣言凡遠戍軍官死而
歸葬者宜視民官例給道里之費又四川驛戶比以
軍興消乏宜遣官同行省量濟之制可燕鐵木兒言
平江松江澱山湖圩田方五百頃有奇當入官糧七
千七百石其總佃者死頗爲人占耕今臣願增糧爲

萬石入官令人佃種以所得餘米贍臣弟撒敦從之
洛水溢瓜哇國遣其臣僧伽刺等八十三人奉金書
表及方物來朝貢己卯詔以西寧王速來蠻鎮禦有
勞其如安定王朶兒只班例置王傳官四人鑄印給
之庚辰以安陸府賜并王晃火兒不花爲食邑旌大
都良鄉縣韋安妻張氏貞節丁亥諸王伯岳兀完者
帖木兒來朝戊子占城國遣其臣阿南那那里沙等
四人奉金書表及方物來朝貢己丑復立功德使司
癸巳皇子古刺峇納更名燕帖古思置興瑞司掌中
宮歲作佛事秩正三品乙未命夔鐵木兒依舊例以

鈔萬錠分給蒙古孤寡者以帝師泛舟于西山高梁
河調衛士三百挽舟丙申賜怯薛官篤憐鐵木兒壘
書申飭其所部賑木憐苦鹽灤札哈掃憐九驛之貧
者凡四百五十二戶丁酉緬國遣使者阿落等十人
奉方物來朝貢己亥賜行樞密院鈔四萬錠分給征
烏撒烏蒙所調陝西四川蒙古軍及漸丁萬人高唐
德興諸州人名汴梁廣平諸路有蟲食桑葉盡夏四
月壬寅中書省臣言去歲宿衛士給鈔者萬五千人
今減去千四百人餘當給者萬三千六百人又太府
監歲支幣帛二萬疋不足於用請再給二百疋並從

之四川師壁散毛盤速出三洞蠻野王等二十三人
來貢方物戊申大寧路地震四川大盤洞謀者什用
等十四人來貢方物丙辰諸王不別居法郎遣使者
要忽難等及西域諸王不賽因使者也先帖木兒等
皆來貢方物戊午命奎章閣學士院以國字譯貞觀
政要鑄板模印以賜百官四川行省平章汪壽昌辭
職不允以作佛事祈福釋御史臺所囚定興劉縣尹
及刑部囚二十六人乙丑安南國世子陳日焯遣其
臣鄧出延等二十四人來貢方物安西王阿難答之
子月魯帖木兒坐與畏兀僧玉你達八的刺板的國

師必刺忒納失里沙津愛護持謀不軌命宗王大臣
雜鞠之獄成三人皆伏誅仍籍其家以必刺忒納失
里沙津愛護持妻丑丑賜通政副使伯藍玉鞍賜撒
敦餘人畜土田及七寶奩具金珠寶玉鈔幣並沒入
大承天護聖寺免四川行省境內今年租命有司爲
伯顏建生祠立紀功碑于涿州仍別建祠立碑于汴
梁戊辰免雲南行省田租三年安州饑給河間鹽課
鈔萬錠賑之東昌濟寧二路及曹濮諸州皆有蟲食
桑五月己巳朔高昌王藏吉薨其弟太平奴襲位壬
申賑木憐七星等二十三驛人米二石癸酉熒惑犯

東井賜焚鐵木兒宴于流盃池雲南大理中慶等路
大饑賑鈔十萬錠甲戌陞尚舍寺爲從三品撒迪請
備錄皇上登極以來固讓太兄往復奏答其餘訓敕
辭命及煖鐵木兒等宣力効忠之蹟命朶來續爲蒙
古脫卜赤顏一書置之奎章閣從之賜湖廣行省平
章政事脫亦納金虎符旌保定路郭濤孝行探忒妻
靈保賢孝戊寅幸大承天護聖寺京師地震有聲已
卯命諸王也失班還鎮浙西道廉訪司劾副使三寶
兇惡陰險紊亂紀剛詔罷之壬午復賑糶米五萬石
濟京城貧民戊子唐其勢以疾先往上都賜藥價錢

千錠遣使往帝師所居撒思吉牙之地以珠織制書
宣諭其屬仍給鈔四千錠幣帛各五千疋分賜之賑
帖里干不老也不徹温等十九驛人馬二石庚寅大
駕發大都時巡于上都置山東益都等處金銀銅鐵
提舉司辛卯復以司徒印給萬安寺僧嚴吉祥詔給
鈔五萬錠脩帝師巴思八影殿壬辰太常博士玉瓚
言各處請加封神廟濫及淫祠按禮經以勞定國以
死勤事能禦大灾能捍大患則祀之其非祀典之神
今後不許加封制可丁酉白虹並日出長竟天追封
顏子父顏無繇爲杞國公謚文裕母齊姜氏杞國夫

人謚端獻妻宋戴氏充國夫人謚貞素甘州大雹揚
州之江都泰興德安府之雲夢應城縣水汴梁之睢
州陳州開封之蘭陽封丘諸縣河水溢滹沱河決沒
河間清州等處屯田四十三頃常寧州饑賑糶米二
千四百石杭州火被災九十一戶池州火被災七十
三戶命江浙行省量賑之六月己亥朔以月魯帖木
兒等罪詔告中外赦天下免四川行省今年租稅陝
西行省今年商稅錄用朶朶王士熙脫歡等己酉以
御史中丞趙世安爲中書左丞癸丑遣使分祀嶽鎮
海瀆戊午給鈔五萬錠賜雲南行省爲公儲己未燕

鐵木兒言頃伯顏封浚寧王賜食邑嵩州今請於瀕
汴擇一州賜之詔改賜陳州癸亥加授知樞密院事
也卜倫開府儀同三司乙丑御史臺臣劾遼陽行省
參政賽甫丁庸鄙不勝任罷之監察御史陳思謙言
內外官非文武全才出處繫天下安危能拯金革之
難者勿許奪情起復制可禁諸卜筮陰陽人毋出入
諸王公大臣家晉寧與州桑災益都濟寧大雨無爲
州和州水旌歸德府永城縣民張氏孝節秋七月戊
辰朔諸王答里麻失里等遣使來貢虎豹雲南行省
言本省舊降給驛璽書六十九金字圓符四伯忽之

亂散失殆盡乞更賜爲宜敕更賜璽書三十二圓符
四仍究詰所失者辛未以車坊官園賜伯顏賜從征
雲南將校三百四十七人鈔幣有差調軍士脩柳林
海子橋道乙亥命僧於鐵幡竿脩佛事施金百兩銀
千兩幣帛各五百疋布二千疋鈔萬錠丁丑賑蒙古
軍流離至陝西者四百六十七戶糧三月遣復其居
戶給鈔五十錠湖廣行省言黎賊勢猖獗乞益兵三
千以備調用有旨依前詔促移刺四奴剋日進兵壬
午江西行省造螺鈔凡榻遺燕鐵木兒詔賜匠者幣
帛各一甲申燕鐵木兒獻幹羅思二千五百人旌裕

州民李庭瑞孝行庚寅給鈔萬錠命燕鐵木兒分賜
累朝官分嬪御之貧乏者壬辰西域諸王不賽因遣
哈只怯馬丁以七寶水晶等物來貢給蒙古民及各
部衛士鈔幣有差仍賑糧五月甲午北邊諸王月卽
別遣南忽里等來朝貢燕鐵木兒言諸王徹徹禿沙
哥曩坐罪流南荒乞賜矜閔俾還本部從之賑宗仁
衛軍士九百戶各鈔一錠滕州民饑賑糶米二萬石
慶都縣大饑以河間鹽課鈔萬錠賑之八月辛丑諸
王阿兒加失里獻幹羅思三十人漸丁百三人賑大
都寶坻縣饑民以京畿運司糧萬石癸卯吳王木喃

子及諸王各都河海鎖南管卜帖木兒赤帖木迭兒等來朝賜護守上都官殿衛卒二千二百二十九人入鈔二十五錠乙巳天鼓鳴于東北丙午遣官祭社稷丁未有事于太廟海道漕運糧六十九萬餘石至京師巳酉隴西地震帝崩壽二十有九在位五年癸丑靈駕發引葬起輦谷從諸帝陵元統二年正月巳酉太師右丞相伯顏率文武百官等議上尊謚曰聖明元孝皇帝廟號文宗國言謚號曰札牙篤皇帝請謚于南郊三月巳酉祔于太廟後至元六年六月以帝謀爲不軌使明宗飲恨而崩詔除其廟主放燕

之喪祖母大皇后感於懷思德皇考明宗皇帝
出葬雲南英宗遇害正統寢偏我皇考以武宗之嫡
非君朔漠宗王大臣同心朔戴華塔大事乎時以地
遠先迎文宗暫總機務繼知天理人倫之攸當假讓
江之名以寶璽來上皇考推誠不疑即授以皇太子
實文宗裕惡不悛當躬迓之際乃與其臣月魯不花
也里牙明里董阿等謀爲不軌使我皇考飲恨上賓
歸而再御宸極思欲自解於天下乃謂夫何數日之
聞言車弗駕海內聞之靡不切齒又私圖傳子乃等
邪言嫁禍於八不沙皇后謂朕非明宗之子遂俾

法也。宗大素養於不繼內懷愧德則殺也。里牙
以杜口上天不祐隨降殞罰故不答失里怙其勢
嚴不明明考之嗣而妄立爲推之弟亦憐真班奄復
不年諸王大臣以賢以長扶朕踐位國之大政屬不
自遂者誰能枚舉每念治必本於盡孝事莫先於正
名賴天之靈權奸屏黜盡孝正名不容復緩未惟鞠
育罔極之恩忍忘不共戴天之義既往之罪不可
誅其命太常徹去脫脫木兒在廟之主不答失里本
朕之播乃陰構奸臣弗體朕意僭膺太皇太后之號
迹其閨門之禍離間骨肉罪惡尤重揆之大義削去

帖古思於高麗未至月閏察兒害之于中道

本紀卷之三十一

卷第三十七

元史三十七

王聖美知制誥兼修國史

以濂輪特制真節鳳制誥國史院編修王禕等奉

寧宗

冲聖嗣孝皇帝

諱懿璘質班明宗第二子也母

曰皇后乃蠻真氏初

武宗有子二人長明宗次文宗

延祐中明宗封周王

出居朔漠泰定之際正統遂偏

天曆元年文宗入紹

大統內難既平即遣使奉皇帝

璽敕北迎明宗明宗

崩文宗復即皇帝位明宗有子

二人長妥懽帖木耳

次即帝也天曆二年二月乙巳

封帝為鄜王至順三年八月己酉文宗崩于上都皇
后尊揚末命申固護帖木兒出居靜江帝
太平王右丞相燕鐵
使徵諸王會京師事
八月甲寅中書省臣
銀幣帛等物乙卯燕
千子歡忒哈赤太尉
事小薛阿麻刺台之
丑漢妃公主台忽都

初志傳位於明宗之子時安懽
以文宗眷愛之篤留京師太師
木兒請立帝以繼大統於是遣
書百司政務咸啓中宮取進止
奉中宮旨預備大朝會賞賜金
鐵木兒奉中宮旨賜駙馬也不
孛蘭奚白容郡王答隣答里僉
子禿帖木兒公主本答里諸王
魯諸王卯澤妃公主完者台及

主本答里徹里帖木兒等金銀幣鈔有差是月河
源雲內二州隕霜殺禾與寧路之陽曲河曲二縣又
荆門州皆旱江水漲溢高郵府之寶應興化二縣德
安府之雲夢應城二縣大雨九月丁丑填是犯太
微垣左執法辛巳修皇太后儀仗是夜地震有聲來
自此是月益都路之莒沂二州泰安州之奉符縣濟
寧路之魚臺豐縣曹州之楚丘縣平江常州鎮江三
路松江府江陰州中之洛陽縣旱十月庚

帝即位於大明殿大赦天下
開疆守世祖皇帝統一萬方
詔曰洪惟太祖皇帝

列聖相承法度明著
政動合成法授大實
帝曆數之歸實當在
各播越遼遠時則有
難以定邦國協恭
讓兄之詔明告天下
方言遠奄棄臣庶礼
視民如傷恩澤旁被
賓天之日皇后傳顧
命於太師太平王右丞相答刺
罕燕也木兒太保浚
王知樞密院事伯顏等謂聖
我世宗皇帝入纂大統修舉庶
位于普顏萬皇帝以及格堅皇
我忽都萬皇帝礼牙萬皇帝而
若燕鐵木兒建義効忠戡平内
戴礼牙萬皇帝登極之始即以
隨奉璽綬遠近忽都萬皇帝期
穿萬皇帝荐正宸極仁義之至
無間遠邇顧育眇躬尤篤慈愛
命於太師太平王右丞相答刺
罕燕也木兒太保浚
王知樞密院事伯顏等謂聖

體彌留益推固讓之初志以宗社之重屬諸太兄忽
都篤皇帝之世嫡乃遣使召諸王宗親以十月一日
來會于大都與宗王大臣同奉遺詔揆諸成憲宜御
神器以至順三年十月初四日即皇帝位于大明殿
可大赦天下自至順三年十月初四日昧爽以前除
謀反大逆謀殺祖父母父母妻妾殺夫奴婢殺主謀
故殺人但犯強盜印造偽鈔蠱毒魘魅犯上者不赦
外其餘一切罪犯咸赦除之大都上都興和三路差
稅免三年腹裏差發并其餘諸郡不納差發去處稅
糧十分爲率免二分江淮以南夏稅亦免二分土木

工役除倉庫必合修理外毋復剏造以紓民力民間
在前應有逋欠差稅課程盡行蠲免監察御史肅政
廉訪司官并內外三品以上正官歲舉才堪守令者
一人申達省部先行錄用如果稱職舉官優加旌擢
一任之內或犯贓私者量其輕重點罰其不該原免
重囚淹禁三年以上疑不能決者申達省部詳讞釋
放學校農桑孝義貞節科舉取士國學貢試並依舊
制廣海雲南梗化之民詔書到日限六十日內出官
與免本罪許以自新於戲肆子冲人託于天下臣民
之上任大守重若涉淵冰尚賴宗王大臣百司庶府

交脩乃職思盡厥患嘉與億兆之民共保承平之治
咨爾多方體予至意故茲詔示想知悉辛丑以知樞
密院事撒敦爲御史大夫中書右丞撒迪爲中書平
章政事宣政使闊里吉思爲中書右丞中書平章政
事禿兒哈鐵木兒知樞密院事乙巳造皇太后玉冊
玉寶丁未皇太后命作兩官幄殿車乘供張戊申賞
賚諸王金幣其數如文宗卽位之制立徽政中政二
院巳酉太白犯斗宿敕諸王駙馬勳舊大臣及中書
省樞密院御史臺秩正二品百司庶府秩至一品者
闕門之內得施繩床以坐餘皆禁之庚戌脩郊祀法

服以宦者鐵古思哈里兀峇兒異狗者闕闕出並爲
中政院使辛亥以江浙歲比不登其海運糧不及數
俟來歲補運壬子定婦人犯私鹽罪著爲令甲寅諸
王不賽因遣使貢塔里牙八十八斤佩刀八十賜鈔
三千三百錠乙卯以卽位告祭南郊丙辰給宿衛士
蒙古漢軍三萬人禦寒衣命江浙行省範銅造和寧
宣聖廟祭器凡百三十有五事己未告祭太廟庚申
告祭社稷以伯顏爲徽政使依前開府儀同三司浚
寧王太保錄軍國重事知樞密院事提調忠翊侍衛
親軍都指揮使司事伯撒里右都威衛都指揮使常

子以爲王忽刺台貧乏賜鈔五百錠皇弟燕帖古思
受戒與僧加兒麻哇救百官及宿衛士有只孫衣
者元與宴餐皆服以侍其或質諸人者罪之丙寅楚
兵隸河堤壞發民丁二千三百五十人修之十一月
己巳詔翰林國史集賢院奎章閣學士院集議先皇
帝廟號神主升祔武宗皇后及改元事庚午賜郊王
徽宗禋以海寧州胸山巔榆沐陽三縣壬申命郊王
徽宗禋南郊中書平章政事伯撒里告祭太廟戊

立之明宗即位于和寧之北而立文宗為皇太子及
明宗崩文宗復正大位至順元年四月辛丑明宗后
八不沙被讒遇害遂徙帝于高麗使居大青島中不
與人接閱一載復詔天下言明宗在朔漠之時素謂
非其已子移于廣西之靜江三年八月己酉文宗崩
燕鐵木兒請文宗后立太子燕帖古思后不從而命
立明宗次子懿璘只班是為寧宗十一月壬辰寧宗
崩燕鐵木兒復請立燕帖古思文宗后曰吾子尚幼
妥權貼睦爾在廣西今年十三矣且明宗之長子禮
當立之乃命中書右丞闊里吉思迎帝于靜江至良

鄉具鹵簿以迓之燕鐵木兒既見帝並馬徐行具陳
迎立之意帝幼且畏之一無所答於是燕鐵木兒疑
之故帝至京久不得立適太史亦言帝不可立立則
天下亂以故議未決遷延者數月國事皆決於燕鐵
木兒奏文宗后而行之俄而燕鐵木兒死后乃與大
臣定議立帝且曰萬歲之後其傳位於燕帖古思若
武宗仁宗故事諸王宗戚奉上璽綬勸進四年六月
己巳帝即位于上都詔曰洪惟我太祖皇帝受命于
天肇造區夏世祖皇帝奄有四海治功大備列聖相
傳丕承前烈我皇祖武宗皇帝入纂大統及致和之

季皇考明宗皇帝遠居朔漠札牙篤皇帝戡定內難讓以天下我皇考賓天札牙篤皇帝復正宸極治化方隆奄棄臣庶今皇太后召大臣燕鐵木兒伯顏等曰昔者闊徹脫脫木兒只兒哈郎等謀逆以明宗太子為名又先為八不沙始以妬忌妄構誣言踈離骨肉逆臣等既正其罪太子遂遷于外札牙篤皇帝後知其妄尋至大漸顧命有曰朕之大位其以朕兒子繼之時以朕遠征南服以朕弟懿璘只班登大位以安百姓乃遷至大故皇太后體承札牙篤皇帝遺意以武宗皇帝之元孫明宗皇帝之世嫡以賢以長在

予一人遣使迎還徵集宗室諸王來會合為推戴今奉皇太后勉進之篤宗親大臣懇請之至以至順四年六月初八日即皇帝位于上都於戲惟天惟祖宗全付予有家慄慄危懼若涉淵水罔知攸濟尚賴宗親臣鄰交脩不逮以底隆平其赦天下時有阿魯輝帖木兒者明宗親臣也言於帝曰天下事重宜委宰相決之庶可責其成功若躬自聽斷則必負惡名帝信之由是深居宮中每事無所專焉辛未命伯顏為太師中書右丞相上柱國監修國史兼奎章閣大學士領學士院太史院回回漢人司天監事撒敦為太

傳左丞相是月大霖雨京畿水平地丈餘饑民四十餘萬詔以鈔四萬錠賑之涇河溢關中水災黃河大溢河南水災兩淮旱民大饑秋七月霖雨潮州路水已亥太陰犯房宿八月壬申華昌徽州山崩是月立燕鐵木兒女伯牙吾氏爲皇后九月甲午太陰犯填星乙未太陰犯天江甲寅中書省臣言官員遞陞窒礙選法今請自省院臺官外其餘不許遞陞從之丁巳太陰犯填星己未太陰犯氏宿庚申詔太師右丞相伯顏太傅左丞相撒敦專理國家大事其餘官不得兼領三職秦州山崩賑恤寧夏饑民五萬三千人

二月詔免儒人役冬十月甲子太陰犯斗宿丙寅鳳州山崩戊辰改元詔曰在昔世祖皇帝紹開丕圖稽古建元立經陳紀列聖相承恪遵成憲肆予中人嗣大歷服茲圖治之云初嘉興民而更始乃新紀號誕告多方其以至順四年爲元統元年於戲一元運於四時惟裁成之有道大統綿於萬世思保佑於無疆中書省臣言凡朝賀遇雨請便服行禮從之己巳加知樞密院事答刺罕答里金紫光祿大夫庚午詔以察罕腦兒宣慰司人民止令應當徽政院差發癸酉雲南僥羅土官渾鄧馬弄來貢方物詔以其地陞立

散府丁丑依皇太后行年之數釋放罪囚二十七人
庚辰奉文宗皇帝及太皇太后御容於大承天護聖
寺命左丞相撒敦爲隆祥使奉其祭祀乙酉詔以高
郵府爲伯顏食邑戊子封撒敦爲榮王食邑廬州唐
其勢襲父封爲太平王進階金紫光祿大夫庚寅中
書省臣請集議武宗英宗明宗三朝皇后陞祔十一
月辛卯朔罷富州金課甲午太陰犯壘壁陣丙申鞏
昌成紀縣地裂山崩令有司賑被災人民丁酉享于
太廟辛丑起棕毛殿丙午申飭鹽運司辛亥江西湖
廣江浙河南復立榷茶運司追謚札牙篤皇帝爲聖

明元孝皇帝廟號文宗時寢廟未建於英宗室次權
結綵殿以奉安神主封伯顏爲秦王錫金印是日秦
州山崩地裂夜太陰犯太微東垣上相壬子太陰犯
填星癸丑太陰犯亢宿乙卯以燕鐵木兒平江所賜
田五百頃復賜其子唐其勢罷河間大報恩寺諸色
人匠總管府江浙旱饑發義倉糧募富人入粟以賑
之詔秦王右丞相伯顏榮王左丞相撒敦統百官總
庶政十二月庚申命伯顏提調彰德威武衛乙丑廣
西徭寇湖南陷道州千戶郭震戰死寇焚掠而去壬
申遣省臺官分理天下囚罪狀明者處決冤者辨之

元史紀卷三十八 五
疑者讞之淹滯者罪其有司以奴列你他代其父塔刺赤爲耽羅國軍民安撫使司達魯花赤錫三珠虎符癸酉太陰犯鬼宿甲戌禿堅帖木兒致仕錫太尉印置僚屬乙亥爲皇太后置徽政院設官屬三百六十一有六員太白犯壁壘陣太陰犯軒轅巳卯太陰犯進賢癸未太陰犯東咸

元統二年春正月庚寅朔雨血于汴梁着衣皆赤辛卯東平須城縣濟寧濟州曹州濟陰縣水災民饑詔以鈔六萬錠賑之以御史大夫脫別台爲中書平章政事阿里海牙爲河南行省左丞相丁酉享于太廟

戊戌四川大盤洞蠻謀谷什用遣男謀者什用來貢方物卽其地立盤順府命謀谷什用爲知府遣吏部尚書帖住禮部郎中智熙善使交趾以授時曆賜之太陰犯軒轅癸卯勅僧道與民一體充役巳酉以上文宗皇帝謚號遣官告祭于南郊庚戌太陰犯房宿甲寅罷廣教總管府立行宣政院乙卯雲南土酋姚安路總管高明來獻方物錫符印遣之二月巳未朔詔內外興舉學校癸亥廣西徭寇邊殺官吏廣海官巳除而未上者罪之甲子塞北東涼亭雹民饑詔上都留守發倉廩賑之乙丑命有司以時給宿衛冬衣

以燕不隣為太保置僚屬戊辰封也真也不千為昌
寧王錫金印癸酉太陰犯太微上相丁丑封皇姑安
安輝為英壽大長公主癸未安豐路旱饑勅有司賑
糴麥萬六千七百石甲申太廟木陛壞遣官告祭丁
亥太白經天是月灤河漆河溢永平諸縣水災賑鈔
五千錠瑞州路水賑米一萬石三月巳丑朔詔科舉
取士國子學積分饒學錢糧儒人免役悉依累朝舊
制學校官選有德行學問之人以充辛卯以陰陽家
言罷造作四年太陰犯填星癸巳廣西徭賊復起殺
同知元帥吉烈思掠庫物遣右丞禿魯迷失將兵討

之復立西番巡捕都元

帥府罷廣誼司復立覆實司

贈吉烈思官令其子孫

襲職庚子杭州鎮江嘉興常

州松江江陰水旱疾疫

勅有司發義倉賑饑民五

十七萬二千戶癸卯月

食既甲辰中書省臣言興和

路起建佛事一路所費

六為鈔萬三千五百三十餘錠

請依上都大都例給

僧錢節其冗費從之乙巳中

書省臣言益都真定

盜起請選省院官往督捕之仍

募能擒獲者倍其賞

獲三人者與一官從之丁未以

河南行省左丞相阿

里海牙為江浙行省左丞相壬

子廣西慶遠府徭賊

寇全州詔平章政事探馬赤統

兵二萬入擊之丁巳詔蒙古色目犯奸盜詐偽之罪者隸宗正府漢人用人犯者屬有司是月山東霖雨水湧民饑賑糶米一萬二千石淮西饑賑糶米二萬石湖廣旱自是月有食之庚申封宗正慶軍民宣撫使八畝等處沿邊宣慰使伯顏溥花承襲父職丙寅罷龍雲南出征軍士亡其勢為總管高麗札兒台並為御史大夫丁丑太白經天戊寅太白晝

見己卯奉聖明元孝皇帝文宗神主祔于太廟躬行告祭之禮樂用宮懸禮三獻先是御史臺臣言郊廟國之大典王者必行親祀之禮所以盡尊尊親親之誠宣因陞祔有事于太廟帝從之是日罷夏季時享記加祭王左丞相撒敦開府儀同三司上柱國錄軍國重事食邑廬州復立杭州四隅錄事司太白晝見壬午復如之帝嘉許衡輔世祖以不殺一天下特錄其孫從宗為章佩監異珍庫提點癸未立鹽局于京師南北城官自賣鹽以革專利之弊乙酉中書省臣言佛事布施費用太廣以世祖時較之歲增金三十

八錠銀二百三錠四十一兩緡帛六萬一千六百餘疋
鈔二萬九千二百五十餘錠請除累朝年忌日之
外餘皆罷從之是日幸駕時巡上都益都東平路水
設酒禁大名路桑棧災成州旱饑詔出庫鈔及發常
平倉米賑之河南旱自是月不雨至于八月五月己
丑詔威武西寧王阿哈伯之子亦里黑赤襲其父封
宦者李羅帖木兒傳皇后旨取鹽一十萬引入中政
院辛卯以唐其勢代撒敦為中書左丞相撒敦仍商
量中書省事壬辰命中書平章政事撒的領蒙古國
子監癸巳罷洪教提點所成申詔文濟王蠻子鎮太

名雲南王阿魯鎮雲南給銀字團牌是月中書省臣
言江浙大饑以戶計者五十九萬五百六十四請發
米六萬七百石鈔二千八百錠及募富人出粟發常
平義倉賑之并存海運糧七十八萬三百七十石以
備不虞從之詔王侯宗戚軍站人匠鷹房控鶴但隸
京師諸縣者令所在一體役之贈故中書平章政事
王泰亨謚清憲舊令三品以上官立朝有大節及有
大功勲於王室者得賜功臣號及謚時寢冗濫失實
惟泰亨在中書時安南請佛書乞以九經賜之使高
麗不受禮遺為尚書貧不能自給故特賜是謚贈漳

州萬戶府知事闕文興英毅侯妻王氏貞烈夫人廟
號雙節六月丁巳朔中書省臣言雲南大理中慶諸
路曩因脫肩敗狐反叛民多失業加以災傷民饑請
發鈔十萬錠差官賑恤從之戊午淮河漲淮安路山
陽縣滿浦清岡等處民畜房舍多漂溺丙寅宣德府
水災出鈔二千錠賑之乙亥唐其勢辭左丞相不拜
復命撒敦爲左丞相辛巳詔蒙古色目人行父母喪
癸未復立繕工司造繒帛乙酉贈燕鐵木兒公忠開
濟弘謨同德翊運佐命功臣開府儀同三司太師中
書右丞相追封德王謚忠武是月彰德雨白毛大寧

廣寧遼陽開元瀋陽懿州水旱蝗大饑詔以鈔二萬
錠遣官賑之秋七月丁亥戒陰陽人毋得於貴戚之
家妄言禍福辛卯祭太祖太宗睿宗三朝御容罷秋
季時享壬辰帝幸大安閣是日宴侍臣於奎章閣甲
午太白晝見巳亥太白經天壬寅詔蒙古色目人犯
盜者免刺甲辰太白經天丙午復如之帝幸楠木亭
巳酉太白晝見夜有流星大如酒杯色赤長五尺餘
光明燭地起自天津沒于離宮之南庚戌太白經天
壬子復如之夜熒惑犯鬼宿癸丑甲寅太白復經天
是月池州青陽銅陵饑發米一千石及募富民出粟

元史紀卷三十八
十
賑之八月丙辰朔太白經天凡四日戊午祭社稷癸亥太白經天丙寅至戊辰太白復經天辛未赦天下京師地震雞鳴山崩陷爲池方百里人死者甚衆自是日至甲戌太白經天丁丑巳卯復如之夜犯軒轅庚辰至壬午太白復經天癸未中書平章政事阿里海牙罷是月南康路諸縣旱蝗民饑以米十二萬三千石賑糶之九月庚寅太白經天辛卯車駕還白上都壬辰太陰入南斗癸巳太白犯靈臺甲午太白經天徭賊陷賀州發河南江浙江西湖廣諸軍及八番義從軍命廣西宣慰使都元帥章伯顏將以擊之乙

未太白經天巳亥壬寅復如之乙巳太白犯太微垣壬子吉安路水災民饑發糧二萬石賑糶夜太白犯太微垣冬十月乙卯朔正內外官朝會儀班次一依品從戊午享于太廟辛酉以侍御史許有壬爲中書叅知政事癸亥太白犯太微上相復犯進賢丁卯立湖廣黎兵屯田萬戶府統千戶一十三所每所兵千人屯戶五百皆土人爲之官給田土牛種農器免其差徭又剏立武安縣移石山寨巡檢司於清水寨立霍丘縣淮陰鄉臨水山巡檢司改乾寧軍民安撫司曰乾寧安撫司乙亥太陰犯軒轅太白犯填星巳卯

奉玉冊玉寶上皇太后尊號曰贊天開聖仁壽徽懿昭宣皇太后詔曰朕登大寶君臨萬方永惟大母擁佑之勤神器奠安海宇寧謐實慈訓之致然也爰協衆議再舉徽稱而皇太后以文宗皇帝未祔于廟至誠謙抑弗賜俞允今告祔禮成亦旣閱歲始徇所請乃以吉日奉上尊號思與普天同茲大慶其赦天下免今年民租之半內外官四品以下減一資却大鵝之獻癸未命臺憲部官各舉材堪守令者一人十一月戊子中書省臣請發兩艘船下番爲皇后營利濟南萊蕪縣饑罷官冶鐵一年辛卯賜行宣政院廢寺

錢一千錠以營公廨乙未填星犯亢宿庚戌熒惑犯太微垣是月鎮南王孛羅不花來朝十二月立道州永明縣白面墟江華縣濤墟巡檢司各一以鎮邊徭賊甲戌詔整治學校是歲禁私剏寺觀庵院僧道人錢五十貫給度牒方出家

至元元年春正月癸巳申命廉訪司察郡縣勸農官勤惰達大司農司以憑黜陟乙未立徽政院屬官侍正府丙午雲南婦人一產三男二月甲寅朔革亢官乙卯車駕將田于柳林御史臺臣諫曰陛下春秋鼎盛宜思文皇付托之重致天下於降平况今赤縣之

民供給繁勞農務方興而馳騁冰雪之地倘有銜槩
之變奈宗廟社稷何遂止丁巳立縹甸散府一穆由
甸范陵甸軍民長官司二以薊州寶坻縣稻田提舉
司所轄田土賜伯顏戊午祭社稷甲戌熒惑逆行入
太微已卯以上皇太后冊寶遣官告祭天地三月癸
未朔詔遣五府官決天下囚御史臺臣言丞相已領
軍國重事省院臺官俱不得兼領各衛從之平伐都
雲定雲酋長寶郎大都蟲等來降卽其地復立宣撫
司參用其土酋爲官辛卯以上皇太后寶冊遣官告
祭太廟壬辰河州路大雪十日深八尺牛羊駝馬凍

死者十九民大饑丙申中書省臣言甘肅甘州路十
字寺奉安世祖皇帝母別吉太后於內請定祭禮從
之丁酉以霪益州所轄羅山石梁交水三縣併歸巡
檢司月食己亥龍興路饑出糧九萬九千八百石賑
其民庚子御史臺臣言高麗爲國首効臣節而近年
屢遣使往選取媵妾至使生女不舉女長不嫁乞賜
禁止從之中書省臣言帝生母太后神主宜於太廟
安奉命集議其禮甲辰山東河間兩淮福建四處增
鹽課一十八萬五千引中書請權罷徵止令催辦正
額乙巳以中書左丞相結參知政事許有壬知經筵

事封安南世子陳端午為安南國王是月益都路沂
水日懸蒙陰言縣旱饑賑米一萬石夏四月癸丑朔
詔諸官非節制軍馬者不得佩金虎符辛酉享于太
廟以江南行御史臺中丞不花為中書省參知政事
壬戌太陰犯左執法丙寅詔以鈔五十萬錠命徽政
院散給達達兀魯思怯薛丹各愛馬己巳加唐其勢
開府儀同三司己卯詔翰林國史院纂脩累朝實錄
又后妃功臣列傳庚辰罷功德典瑞營繕集慶翊正
羣玉繕工金玉珠翠諸提舉司以撒的為御史大夫
禦犯御名是月河南旱賑恤為陂屯軍糧兩月五月

壬午朔皇太后以膺受寶冊恭謝太廟丙戌占城國
遣其臣刺忒納瓦兒撒來獻方物且言交趾遏其貢
道詔遣使宣諭交趾戊子車駕時巡上都遣使者詣
曲阜孔子廟致祭加伯撒里金紫光祿大夫壬辰命
嚴蓋法以絕冒濫京畿民饑詔有司議賑恤癸卯太
陰犯壘壁陣甲辰伯顏請以右丞相讓唐其勢詔不
允命唐其勢為左丞相是月永新州饑賑之六月辛
酉有司言甘肅饑里畏產金銀請遣官稅之三戌太
陰犯心宿癸酉禁服色不得僭上乙亥罷江淮財賦
總管府所管杭州平江集慶三處提舉司以其事屬

有司詔湖南宣慰使司兼都元帥府總領所轄諸路
鎮守軍馬庚辰伯顏奏唐其勢及其弟塔剌海謀逆
誅之執皇后伯牙吾氏幽於別所大霖雨秋七月辛
巳朔以馬札兒台阿察赤並為御史大夫壬午伯顏
殺皇后伯牙吾氏于開平民舍丁亥享于太廟壬辰
加馬札兒台銀青榮祿大夫開府儀同三司領承徽
寺乙未太陰犯壘壁陣壬寅專命伯顏為中書右丞
相罷左丞相不置癸卯立脫脫禾孫於察罕腦兒之
地乙巳罷燕鐵木兒唐其勢舉用之以戊申誅答里
及刺刺等于市詔曰曩者文宗皇帝以燕鐵木兒嘗

有勞伐父子兄弟顯列朝廷而輒造事豐出朕遠方
之皇尋悟其妄有旨傳次于子燕鐵木兒貪利幼弱
皆以立朕弟懿璘質班不幸崩殂今丞相伯顏追奉遺
詔迎朕于南阮三大都燕鐵木兒猶懷兩端遷延數
月天墮厥躬伯顏等同辭翊戴乃正宸極後撒敦答
里唐其勢相襲用事交通宗王晃火帖木兒圖危社
稷以阿察赤亦嘗與謀賴伯顏等以次掩捕明正其罪
元兒構難給我大皇后震驚朕用兢惕永惟皇太后
慈美所生之子以至今為心腹事天實臬子元氣
運美定美而躬功德隆盛近世罕比雖嘗奉土尊號

發之朕心猶為未盡已命大臣特議加禮伯顏為武
宗葬集先邊蒙獻文皇茲又克清大懸明飭國憲爰
賜各剽罕之號至于子孫世世永賴可赦天下是月
丙和州徽州兩電民饑發米賑貸之八月辛亥朔癸
憲亮民宥戊午祭社稷祭爰詔以岐陽王完者帖木
兒知樞密院事帖木兒不花並為御史大夫甲子加
完者帖木兒太傅戊寅道州永興水災發米五千石
及義倉賑賑之己卯議尊皇太后為太皇太后詩有
至諫以為非禮不從是月廣西徭反命湖廣行省右
丞完者計使沅州等處民饑賑米二萬七千七百石

六月庚辰朔八車駕駐柅胡嶺丙戌赦丁亥封知樞密
院事關里士吉思為宣國公太保中書平章政事定住
為宣德王乙巳太陰犯斗宿庚寅太陰犯壘壁陣庚子
和中書平章平政事徹里帖木兒銀青榮祿大夫命有
司遣太皇太后玉冊玉寶御史臺臣言國朝初用官
宦不過數人今內府執事不下千餘乞依舊制裁減
冗濫廣仁愛之心省糜費之患從之丙午詔以烏撒
烏蒙之地禁四川行省是月未陽常寧道州民饑以
米萬六千石并常平米賑糶之車駕還自上都以宗
樂監祭羊一萬百冬十月甲寅庚辰祀南辛丙辰以

六司農塔失海牙為太尉置僚屬尚議中書省事丁
巳以塔失帖木兒為太禧院使議軍國重事流是火
帖木兒答里唐其勢子孫於邊地詔海道都漕運高
戶府船戶與民一體充役壬戌加御史大夫帖木兒
不克錄書祭祿大夫癸亥流御史大夫完者帖木兒
於廣海安置完者帖木兒乃賊臣也先鐵木兒骨肉
之親監察御史以為言故序之遷省院臺宗正府通
練刑獲之寔分行各道與廉訪司審決天下囚甲子
太陰犯昴宿丁卯太陰犯斗宿戊辰太白晝見以宗
王亦思于兒弟撒世日龍其兄封監察御史呂思誠等

十九人劾奏微里帖木兒之罪不聽皆辭去惟陳光
文以不署名留辛未太皇太后玉冊王寶成遣一員告
祭于太廟是月以伯顏獨任中書右丞相詔天下十
一月庚辰勅以所在儒學貢士庄田租給宿衛衣糧
詔罷科舉甲申太白經天乙酉伯顏請內外官立心術
寶鈔注今後毋得保舉滯滯選法從之癸巳命知樞
密院事馬札兒台領武備寺丙戌太白經天己丑辰
星犯房宿甲午以燕鐵木兒唐其勢答里所奪寺尚書
司宅還其王阿剌忒納失里丁酉以戶部尚書伯顏
吏部尚書定位參議中書省事戊戌召前知樞密院

事福丁失刺不花撒兒的哥遠京師初三人以事未
立謀謀燕鐵木兒為所誣駁故正之己亥夫陰犯太
陰連庚子太陰犯左執法辛丑下詔改元詔曰朕祗
維天明入禁丕緒于今三年夙夜寅畏罔敢怠荒庶
者率獲順成海宇清謐朕方增修厥德日以敬二人
民為務屬太史上言星文示儆將朕德菲薄有以未
達敷天心仁愛俾予以治有所告戒歟弭災有治聖
政為先更號紀年寔惟舊典惟世祖皇帝在位三十九
天人協和諸福咸至祖述之志良切朕懷今特以元
統三年仍為至元元年通邊成憲誕布寬條庶幾和順

梓未終景祚天立常平倉丁未賜知樞密院事
徵里帖木兒二珠虎符十二月己酉朔荆門州獻茶
芝以薦給司馬通政院加知樞密院事聞皇旨思錄
青榮祿大夫兼左翊蒙古侍衛親軍都指揮使云子
太陰犯壘慶陣乙卯命雲南行省遣軍出戍隸新舊
之籍丙辰制省諸王公主駙馬飲饗之費詔徵高麗
王阿剌忒納失里入朝丁巳詔伯顏領官相府戊午
日赤如赭辛酉太白犯壘慶陣壬戌接盧州饒州救
地一百頃賜宣讓王帖木兒不花命四川雲南江西
行省保選臺夷官以長銓注乙丑奉玉冊至襄王未

皇太后尊號曰贊元開聖徽懿宣昭貞文慈祐儲善
衍慶福元太皇太后詔曰欽惟太皇太后慈光廟之
在格兩朝之業親以大寶付之朕躬尚存推估之意
格導仁讓之訓爰極尊崇之典以昭兼奉之忱廣上
睿稱宣告中外命宣政院使未言以司徒統第太白
祀軒轅夫人星丙寅太白經天丁卯復如之夜太陰
犯右執法庚午太白經天壬申復如之癸酉歲星晝
見乙亥太白歲星皆晝見丙子安慶斬黃地震丁丑
丙寅走遣兵擊之戊寅蒙古國子監成是日太白
照天歲星晝見是月寶慶路饑賑糶米三千石閏月

乙酉詔四川鹽運司於鹽井仍舊造鹽餘井聽民煮
造收其課十之三熒惑犯壘壁陣丁亥日赤如赭凡
二日戊子復以宗正府為大宗正府壬辰詔宗室脫
脫木兒襲封荆王賜金印命掌忙來諸軍設立王府
官屬丁酉御史大夫撒的加銀青榮祿大夫領奎章
閣知經筵事戊戌御史臺臣復劾奏中書平章政事
撒里帖木兒罪罷之庚子太陰犯心星壬寅流徹里
帖木兒於南安太陰犯箕宿癸卯太陰犯南斗丙午
詔平章政事塔失海牙領都水度支二監是年江西
大水民饑賑糶米七萬七千石賜天下田租之半凡

有妻室之僧令還俗爲民既而復聽爲僧移犍爲縣
還舊治

元史卷之三十八終

紀卷第三十九

元史三十九

翰林學士帶大夫知制誥兼脩國史
宋濂翰林待制承直郎同知制誥兼國史院編修王禕等奉
勅

順帝二

二年春正月壬戌太陰犯右執法甲子太陰犯角宿
乙丑宿松縣地震山裂丁卯太陰犯房宿是月置都
水庸田使司于平江二月戊寅朔祭社稷辛巳太陰
犯昴宿甲申太白經天戊子詔以世祖所賜王積翁
田八十頃還其子都中初積翁齋詔諭日本死于王
事嘗受賜後收入官故復賜之己丑立穆陵關巡檢

司壬辰日赤如赭乙未丙申復如之丁酉追尊帝生
母邁來廸爲貞裕徽聖皇后庚子分衡州路衡陽縣
立新城縣進封宣靖王買奴爲益王甲辰宗王也可
札魯忽赤添孫薨賜鈔二百錠以葬乙巳詔賞勞廣海
征徭將卒有官者升散階歿於王事者優加褒贈金
山甘肅兵士在逃者聽復業免其罪三月戊申以阿
里海牙家藏書畫賜伯顏甲寅以按灰爲大宗正府
也可札魯忽赤總掌天下奸盜詐僞丁巳以累朝御
服珠衣七寶項牌賜伯顏庚申日赤如赭壬戌復如
之賜征東元帥府軍士冬衣及甲諸軍討廣西徭久

無功勅行省行臺廉訪司官共督之順州民饑以鈔
四千錠賑之夜太陰犯心宿癸亥日赤如赭甲子太
陰犯箕宿乙丑太陰犯南斗賜宗王火兒灰母峇里
鈔一千錠以撒敦上都居第賜太保定住仍勅有司
籍撒敦家財甲戌復四川鹽井之禁以按答木兒家
人田宅賜太保定住以汪家奴爲宣政院使加紫金
光祿大夫造武英武宗明宗三朝皇后玉冊玉寶是
月陝西暴風旱無麥夏四月丁丑朔日赤如赭禁民
間私造格例戊寅封駙馬孛羅帖木兒爲毓德王丙
戌太陰犯角宿丁亥禁服麒麟鸞鳳白兔靈芝雙角

五爪龍八龍九龍萬壽福壽字赭黃等服庚寅以知
樞密院事帖木兒不花爲中書平章政事撒迪爲御
史大夫甲午遣使以香幣賜武當龍虎二山詔以太
平路爲鄴王徹徹秃食邑以集慶廬州饒州秃秃哈
民戶賜伯顏仍於句容縣設長官所領之戊戌車駕
時巡上都拜中書左丞耿煥爲侍御史王德懋爲中
書左丞賜宗室灰里王金一錠鈔一千錠毓德王孛
羅帖木兒鈔三千錠公主八八鈔二千錠五月丙午
朔黃河復於故道庚戌太陰犯靈臺乙卯南陽鄧州
大霖雨自是日至於六月甲申湍河白河大溢水爲

災丙辰太白晝見丁巳亦如之壬申秦州山崩是月
婺州不雨至于六月六月丁丑禁諸王駙馬從衛服
只孫衣繫條環贈宗王忽都答呂兀爲雲安王謚忠武羅羅
歹爲保寧王謚昭勇庚辰命中書平章政事阿吉刺
知經筵事戊子以鐵木兒補化爲江浙行省左丞相
太白犯井宿辛卯以汴梁大名諸路脫別台地土賜
伯顏禮部侍郎忽里台請復科舉取士之制不聽庚
子涇水溢辛丑以鈔五千錠賜吳王糊失江秋七月丙
午詔以公主奴倫引者思之地五千頃賜伯顏以衛
輝路賜衛王寬徹哥爲食邑己酉太白犯鬼宿庚戌

以定住鎖南參議中書省事壬子發阿魯哈不蘭奚
駱駝一百一十上供太皇太后乘輿之用乙卯太白
犯熒惑庚申禁隔越中書定傳勅旨冒支錢糧甲子
命有司以所籍撤敦寶器分賜伯顏及太保定住乙
丑中書平章政事孛羅徙宅賜金二錠銀十錠庚午
勅賜上都孔子廟碑載累朝尊崇之意省諸王公主
駙馬從衛糧賜之數癸酉命宗王不蘭奚駙馬月魯
不花帖古思教化鎮薛連可怯魯連之地各賜鈔六
百錠及銀牌遣之是月黃州蝗督民捕之人日五斗
以鈔二千錠賑新收阿速軍扈從車駕者每戶鈔二

錠死者人一錠八月甲戌朔日有食之高郵大雨雹
詔雲南廣海八番及甘肅四川邊遠官外而不能歸
葬者有司給糧食舟車護送還鄉去鄉遠者加鈔二
十錠無親屬者官爲瘞之命威順王寬徹不花還鎮
湖廣先是伯顏矯制召之至京至是帝遣歸藩戊寅
祭社稷大都至通州霖雨大水勅軍人修道己卯太
陰犯心宿辛巳太陰犯箕宿辛卯以徽政院中政院
財賦府田租六萬三千二百石補本年海運未敷之
數令有司歸其直壬辰立屯衛於馬札罕之地庚子
詔強盜皆歿盜牛馬者劓盜驢騾者黥額再犯劓盜

羊豕者墨項再犯黥三犯劓劓後再犯者死盜諸物者照其數估價省院臺五府官三年一次審決著爲令辛丑減湖馬路泥溪平夷蠻夷都沐川雷坡六長官司併爲三九月庚戌熒惑犯太微垣癸亥馳鞏昌總帥府漢人軍器之禁戊辰車駕還自上都海運糧至京遣官致祭天妃是月台州路饑發義倉募富人出粟賑之沅州路盧陽縣饑賑糶米六千石冬十月丙子熒惑犯左執法己卯享于太廟丙申命參知政事納麟監繪明宗皇帝御容丁酉太陰犯昴宿己亥詔每日右丞相伯顏太保定任中書平章政事字

羅阿吉刺聚議於內廷平章政事塔失海牙右丞亞卜班參知政事納麟許有壬等聚議於中書太陰犯進賢是月撫州袁州瑞州諸路饑發米六萬石賑糶之十一月己酉太陰犯壘壁陣壬子以那海爲湖廣行省平章政事討廣西叛徃武宗英宗明宗三朝皇后升祔入廟命官致祭丁巳遣河南行省平章政事珙珞普華於西番爲僧己未太陰犯壘壁陣辛酉賜宣讓王帖木兒不花市宅錢四千錠詔帖木兒不花王府官屬朝賀班次列于有司之右壬戌命同知樞密院事者燕不花兼官相都總管府達魯花赤領隆

鎮衛左阿速衛諸軍癸亥安置宗王不蘭奚於梧州
丁卯太陰犯房宿辛未禁彈弓弩箭袖箭壬申國公
買住卒賜鈔三百錠印造至元三年錠本一百五十
萬錠是月松江府上海縣饑發義倉糧及募富人出
粟賑之安豐路饑賑糶麥四萬二千四百石十二月
甲戌日赤如赭丙子命興元鳳州留琪鎮及晉寧
路遼山縣十八盤各立巡檢司宗王也孫帖木兒進
西馬三疋賜文濟王蠻子金印驛券及從衛者衣并
精五千石詔省院臺翰林集賢奎章閣太常禮儀院
禮部官定議寧宗皇帝尊謚廟號是月江州諸縣饑

總管王大中貸富人粟以賑貧民而免富人雜徭以
爲息約年豐還之民不病饑慶元慈溪縣饑遣官賑
之是歲詔擊治驛傳以甘肅行省白城子屯田之地
賜宗王喃忽里以燕鐵木兒居第賜灌頂國師曩哥
星吉號大覺海寺塑千佛於其內江浙旱自春至于
八月不雨民大饑

三年春正月癸卯廣州增城縣民朱光卿反其黨石
昆山鍾大明率衆從之僞稱大金國改元赤符命指
禪狗札里江西行省左丞沙的討之戎申大都南北
兩城設賑糶米舖二十處辛亥升祔懿璘只班皇帝

於廟謚冲聖嗣孝皇帝廟號寧宗豫王阿刺忒納失里買池州銅陵產銀地一所請用私財煅煉輸納官課從之癸丑立宣鎮侍衛屯田萬戶府於寧夏丙辰月食丁巳日有交暈左右珥上有白虹貫之戊午帝獵于柳林凡三十五日監察御史丑的宋紹明進讓帝嘉納之賜金幣丑的等固辭帝曰昔魏徵進諫唐太宗未嘗不賞汝其受之是月臨江路新淦州新喻州瑞州民饑賑糶米二萬石對晉郭璞爲靈應侯二月壬申朔日有食之棒胡反於汝寧信陽州棒胡本陳州人名閏兒以燒香或衆妄造妖言作亂破歸德

府鹿邑焚陳州屯營於杏岡命河南行省左丞慶童領兵討之紹興路大水丙子立船戶提舉司十處提領二十處定船戶科差船一千料之上者歲納鈔六錠以下遞減壬午以上太皇太后玉冊玉寶恭謝太廟甲申定服色器皿輿馬之制己丑汝寧獻所獲棒胡彌勒佛小旗僞宣勅并紫金印量天尺辛卯發鈔四十萬錠賑江浙等處饑民四十萬戶開所在山場河泊之禁聽民樵采廣西徭賊復反命湖廣行省平章那海江西行省平章禿兒迷失海牙總兵捕之丙申太保定住薨給賜殯葬諸物庚子中書參知政事

納麟等請立採珠提舉司先是嘗立提舉司泰定間以其煩擾罷去至是納麟請復立之且以採珠戶四萬賜伯顏是月發義倉米賑蘄州及紹興饑民三月辛亥太陰犯靈臺發鈔一萬錠賑大都寶坻饑民戊午以玉寶玉冊立弘吉刺氏伯顏忽都爲皇后因雨輟賀詔以完者帖木兒蘇州之田二百頃賜郟王徹徹禿已未大都饑命於南北兩城賑糶糙米癸亥加封晉周處爲英義武惠正應王己丑命宗王燕帖木兒爲大宗正府札魯忽赤是月天雨線發義倉糧賑溧陽州饑民六萬九千二百人夏四月壬申遣使降

香於龍虎三茅閭皂諸山癸酉禁漢人南人高麗人不得執持軍器凡有馬者拘入官甲戌有星孛于王良至七月壬寅没于貫索皇后以受玉冊玉寶恭謝太廟命伯顏領宣鎮侍衛軍賜鈔三千錠建宣鎮侍衛府以太皇太后受冊寶詔天下己卯車駕時巡上都壬午高麗王阿刺忒納失里朝賀還國賜金一錠鈔二千錠從官賜與有差辛卯合州大足縣民韓法師反自稱南朝趙王太陰犯壘壁陣丁酉謚唐杜甫爲文貞己亥惠州歸善縣民聶秀卿譚景山等造軍器拜戴甲爲定光佛與朱光卿相結爲亂命江西行

省左丞沙的捕之庚子太白晝見是月詔省院臺部
宣慰司廉訪司及郡府幕官之長並用蒙古色目人
禁漢人南人不得習學蒙古色目文字以米八千石
鈔二千八百錠賑哈刺奴兒饑民龍興路南昌新建
縣饑太皇太后發徽政院糧三萬六千七百七十石
賑糶之五月辛丑民間訛言朝廷拘刷童男童女一
時嫁娶殆盡壬寅太白犯鬼宿癸卯給平伐都雲定
雲二處安撫司達魯花赤暗都刺等虎符乙巳以興
州松州民饑禁上都興和造酒太陰犯軒轅戊申詔
汝寧樺胡廣東朱光卿聶秀卿等皆係漢人漢人有

官于省臺院及翰林集賢者可講求誅捕之法以聞
太白晝見王子太陰犯心宿甲寅詔哈八兒禿及禿
堅帖木兒爲太尉各設僚屬幕官西番賊起殺鎮西
王子党兀班立行宣政院以也先帖木兒爲院使往
討之戊午太白晝見己未太陰犯壘壁陣辛酉太白
晝見壬戌命四川行省叅知政事舉理等捕反賊韓
法師丁卯彗星見於東北大如天船星色白約長尺
餘彗指西南至八月庚午始滅六月庚午太白經天
辛未甲戌復如之乙亥太白犯靈臺戊寅贈丞相安
童推忠佐運開國元勳東平忠憲王於所封城內建

立祠廟官爲致祭巳卯太白經天夜太白犯太微垣
辛巳大霖雨自是日至癸巳不止京師河南北水溢
御河黃河沁河渾河水溢没人畜廬舍甚衆壬午太
白晝見太陰犯斗宿癸未設醮長春宮丁亥太白犯
太微垣戊子加封文始尹真人爲無上太初博文文
始真君徐甲爲垂玄感聖慈化德御真君庚桑子洞
靈感化超蹈混然真君文子通玄光暢昇元敏誘真
君列子冲虚至德遁世遊樂真君莊子南華至極雄
文弘道真君巳丑太白晝見庚寅復如之至七月辛
酉方息壬辰彰德大水深一丈立高密縣濰川鄉景

芝社巡檢司秋七月巳亥漳河泛溢至廣平城下賜
鞏小班西平王印癸卯車駕出獵太白經天乙巳復
如之丙午車駕幸失刺斡耳朶太白復經天丁未車
駕幸龍岡酒馬乳以祭戊申詔朶兒只國王入朝庚
戌太白晝見河南武陟縣禾將熟有蝗自東來縣尹
張寬仰天祝曰寧殺縣尹毋傷百姓俄有魚鷹群飛
啄食之壬子車駕幸乾元寺甲寅太白經天乙卯懷
慶水庚申詔除人命重事之外凡盜賊諸罪不須候
五府官審錄有司依例決之辛酉太白晝見壬戌賜
宗王桑哥八刺七寶繫腰太白經天癸亥甲子復如

之是月狗札里沙的擒朱光卿尋追擒石昆山鍾大明八月戊辰祭社稷遣使賑濟南飢民九萬戶庚午彗星不見自五月丁卯始見至是凡六十三日自昴至房凡歷一十五宿而滅申戌太陰犯心宿辛巳京畿盜起壬午京師地大震太廟梁柱裂各室墻壁皆壞壓損儀物文宗神主及御床盡碎西湖寺神御殿壁仆壓損祭器自是累震至丁亥方止所損人民甚衆癸未日有交暈左右珥白虹貫之河南地震弛高麗執持軍士之禁仍令乘馬戊子漢人鎮遏生蕃處亦開軍器之禁脩理文宗神主并廟中諸物是月車

駕至自上都九月巳亥熒惑犯斗宿甲辰太白犯斗宿丁未太陰犯壘壁陣巳酉立皮貨所於寧夏設提領使副主之立四川湖廣江西浙江行樞密院文宗新主玉冊及一切神御之物皆成詔依典禮祭告太陰犯壘壁陣辛亥太陰犯軒轅丙寅大都南北兩城添設賑糶米鋪五所冬十月庚午太白晝見癸酉日赤如赭乙亥命江浙行省丞相搆思監提調海運丙子太陰犯壘壁陣壬午太陰犯昴宿丁亥太白晝見太陰犯鬼宿庚寅太白晝見辛卯亦如之丙申復如之十一月丁酉太白經天戊戌太白犯亢宿巳亥太

白經天壬寅太陰犯熒惑癸卯太陰犯壘壁陣丙午
立屯田於雄州丁未填星犯鍵閉辛亥太白犯五車
甲寅太白犯鬼宿丙辰太陰犯軒轅丁巳太白經天
太陰犯太微垣詔脫脫木兒襲脫火赤荆王位仍命
其妃忽刺灰同治元魯思事戊午太白經天癸亥發
鈔萬五千錠賑宣德等處地震死傷者太白經天甲
子乙丑復如之十二月巳巳享于太廟歲星退犯天
罇填星犯罰星甲戌熒惑犯壘壁陣太白犯東咸乙
亥吏部仍設考功郎中員外郎主事各一員庚辰命
阿魯圖襲廣平王爵壬午集賢大學士羊歸等言太

上皇唐妃影堂在真定玉華宮每年宜於正月二十
日致祭從之丙戌命阿速衛探馬赤軍屯田是月以
馬札兒台爲太保分樞密院鎮北邊是歲詔賜孝子
靳昺碑伯顏請殺張王劉李趙五姓漢人帝不從徵
西城僧加刺麻至京師號灌頂國師賜玉印

四年春正月丙申以地震赦天下詔內外廉能官父
母年七十無侍丁者附近銓注以便侍養以宣政院
使不蘭奚年七十致仕授大司徒給全俸終身癸卯
太白犯建星甲辰復如之丙午太白犯五車辛亥太
陰犯軒轅巳未填星犯東咸江浙海運糧數不足撥

江西河南五十萬石補之庚申太陰入南斗太白犯
牛宿辛酉分命宗王乃馬互為知行樞密院事癸亥
印造鈔本百二十萬錠是月詔脩曲阜孔子廟二月
丁卯罷河南江西江浙湖廣四川等處行樞密院戊
辰祭社稷庚午車駕獵于柳林戊寅太陰犯軒轅巳
卯太陰犯靈臺乙酉奉聖州地震是月賑京師河南
北被水災者龍興路南昌州饑以江西海運糧賑糶
之三月戊申填星退犯東咸辛酉命中書平章政事
阿吉刺監修至正條格告祭南郊以國王朶兒只為
遼陽行省左丞相宗王玉里不花為知樞密院事賜

少二千錠金一錠銀十錠夏四月辛未京師天

沙晝晦以探馬赤只兒瓦歹為中書平章政事

以脫脫為御史大夫乙亥命阿吉刺為奎章大

兼知經筵事巳卯車駕時巡上都河南執捧胡至京

師誅之癸巳車駕薄暮至八里塘雨雹大如拳其狀

有小兒環玦獅象龜卵之形五月乙未立五臺山等

處巡檢司庚戌升兩淮屯田打捕總管府為正三品

甲寅贈湖廣行省平章政事燕赤推誠靖戴守邊制

勝功臣太傅開濟儀同三司上柱國追封永平三益

忠襄王百詔土酋宣慰司軍士許令乘馬執兵器湖

廣行省元領新化洞古州潭溪龍里洪州諸洞三百餘處洞民六萬餘戶分隸靖州立敘南橫江總檢司是月命佛家閭為考功郎中喬林為考功員外郎魏宗道為考功主事考較天下郡縣官屬功過命阿剌言復為中書平章時事彰德獻瑞麥一莖三穗臨沂糞縣水發米三萬石賑糶之六月庚午廣東廉訪司僉事恩莫紳言處決重囚宜命五府官斟酌地理遠近預選官分行各道比到秋分時畢事從之辛巳袁州民周子旺反僭稱周王偽改年號尋擒獲伏誅填星退犯鍵閉三年立重慶路墊江縣己丑邵武路大

雨水入城郭平地二丈是月信州路靈山裂漳州路南勝縣民李志甫反圍漳城守將撈思監與戰失利詔江浙行省平章別不花總浙閩江西廣東軍討之秋七月壬寅詔以伯顏有功立生祠於涿州汴梁己酉奉聖州地大震損壞人民廬舍丙辰鞏昌府山崩壓死人民戊午為伯顏立打捕鷹房諸色人戶總管府八月癸亥朔日有食之戊辰祭社稷己巳申取高麗女子及閩人之禁贈伯顏察兒守誠佐治安惠世美功臣太師開府儀同三司上柱國追封奉元王諡忠宣辛未宣德府地大震癸酉山東鹽運司於濟南

歷城三濱洛鹽倉東西二場丙子京師地震日一三
次至乙酉乃止丁丑白虹貫天癸未改宣德府為順
寧府奉聖州為保安州贈太保曲出推忠靖運保寧
一德功臣太師開府儀同三司上柱國追封廣陽王
謚忠惠贈平章伯帖木兒宣忠濟美協誠正德功臣
太傅開府儀同三司上柱國追封文安王謚忠憲甲
申雲南老告土官八那遣姪那賽賈象馬來朝為立
老告軍民總管府是月車駕還自上都閏八月戊
日赤如赭己亥復如之填星犯罰星太陰犯斗宿壬
寅日赤如赭庚戌太陰犯斗宿乙卯太陰犯鬼宿九

月丙寅太陰犯斗宿戊辰太白犯東咸癸酉奔星如
益大色白起自右旗之下西南行沒於近濁甲申太
陰犯軒轅乙酉太陰犯靈臺庚寅日赤如赭太白犯
斗宿冬十月辛卯享于太廟辛亥太陰犯酒旗十一
月丙寅改英宗殿名第融丁卯立紹熙府軍民宣撫
都總使司命御史大夫脫脫兼都總使治書侍御史
吉當普為副都總使世襲其職本府元領六州二十
縣一百五十二鎮國初以其地荒而廢之至是居民
二十餘萬故立府治之乙巳命平章政事孛羅領太
常禮儀院使焚惑犯辰宿丁丑太陰犯鬼宿戊寅太

陰犯壘壁陣壬午四川散毛洞營反遣使賑被寇人
民十二月甲午大都南城等處設米舖二十每舖日
糶米三十石以濟貧民俟秋成乃罷成成立邦牙等處
宣慰司都元帥府并總管府先是世祖既定緬地以
其處雲南極邊就立其酋長爲帥令三年一入貢至
是來貢故立官府庚子熒惑犯房宿壬寅以宣徽使
別兒怯不花爲御史大夫癸卯太白經天己酉復如
之庚戌加荆王脫脫木兒元德上輔廣忠宣義正節
振武佐運功臣之號太白經天辛亥復如之壬子熒
惑犯東咸乙卯太白犯外屏太陰犯斗宿丙辰太白

經天

紀卷第三十九

紀卷第四十一

元史四十一

纂學事矣知制誥梁燾奏請特制高麗制誥兼國史院編修官

黎

順帝三

五年春正月癸亥禁濫予僧人名爵庚午太陰犯井宿乙亥熒惑犯天江滌州郵城范縣饑賑鈔二千二百八十錠真寧路交城等縣饑賑米七千石桓州饑賑鈔二千錠雲需府饑賑鈔五千錠開平縣饑賑米兩月興和寶昌等處饑賑鈔萬五千錠二月庚寅信州兩土甲午太陰犯昴宿戊戌祭社稷庚子免廣海

添辦鹽課萬五千引止辦元額壬寅太陰犯靈臺三月
辛酉八魯刺恩千戶所民被災遣太禧宗禋院斷事官
塔海發米賑之戊辰濼河住冬怯憐口民飢每戶賑糶
一石鈔二十兩夏四月辛卯華興州興安縣癸巳立伯
顏南口過街塔二碑乙未加封孝女曹娥為慈感靈孝
昭順純懿夫人壬寅太陰犯日星及房宿己酉申漢人
南人高麗人不得執軍器弓矢之禁是月車駕時巡
上都五月己未朔晁火兒不刺賽禿不刺紐阿迭烈
孫三卜刺等處六愛馬大風雪民饑發米賑之庚午
太陰犯心宿壬申太陰犯斗宿丙子太白犯昴宿丙

戌加封瀏陽州道吾山龍神崇惠昭應靈顯廣濟侯
六月壬寅月食甲辰熒惑退入南斗庚戌汀州路長
汀縣大水平地深可三文餘沒民廬八百家壞民田
二百頃戶賑鈔半錠死者一錠乙卯達達民饑賑糧
三月是月沂莒二州民饑以糧賑糶之秋七月辛酉
壬戌熒惑犯南斗甲子熒惑犯南斗太陰犯房宿甲
戌太白經天丙子開上都興和寺處酒禁丁丑封皇姊月
魯公主為昌國大長公主戊寅太白經天詔諸王位
下宮母入常選甲申常州宜興山水出勢高一丈壞
民廬乙酉太白經天丙戌太白復經天八月丁亥京

元史紀事本末卷四十一
駕至自上都戊子太白經天祭社稷己丑太白復經
天貞寅宗王脫歡脫木亦各愛馬人民饑以鈔三萬
四千九百錠賑之宗王脫憐渾禿各愛馬人民饑以
鈔萬一千三百五十七錠賑之太白經天辛卯太白
復經天甲午太陰犯斗宿丁酉太白犯軒轅戊戌己
亥太白經天壬寅至甲辰太白復經天乙巳太陰犯
昴宿九月丁巳瀋陽饑民食木皮賑糶米一千石歲
午太白經天己未太白復經天冬十月辛卯享于太
廟壬辰禁倡優盛服許男子裹青巾婦女服紫衣不
許戴笠乘馬甲午詔命伯顏為大丞相加元德上輔

功臣之號賜七寶玉書龍虎金符己亥熒惑犯壘壁
陣是月衡州饑賑糶米五千石遼陽饑賑米五百石
文登牟平二縣饑賑糶米一萬石十一月丁巳熒惑
犯壘壁陣禁宰殺戊辰開封杞縣人范孟反偽傳帝
旨殺河南行省平章政事月祿帖木兒左丞切烈廉
訪使完者不花等已而捕誅之癸酉瑞州路新昌州
雨水冰至明年二月始解是月八番順元等處饑賑
鈔二萬二千錠十二月辛卯復立都水庸田使司于
平江先是嘗置而罷至是復立甲午太陰犯昴宿癸
卯熒惑犯外屏是歲勅賜曲阜宣聖廟碑工部廳梁

上出芝草一本七莖袁州饑賑糶米五千石膠密莒
濰等州饑賑鈔二萬錠

六年春正月丁卯太陰犯鬼宿甲戌立司禮監奉太
祖太宗睿宗三朝御容於石佛寺乙亥太陰犯房宿
戊寅追封闕兒吉思宣誠戡難翊運致美功臣太師
開府儀同三司上柱國追封晉寧王謚忠襄是月察
忽察罕腦兒等處馬災賑鈔六千八百五十八錠邳
州饑賑米兩月二月甲申朔詔權止今年印鈔戊子
祭社稷己丑太陰犯昴宿丙申太陰犯太微垣己亥
黜中書太丞相伯顏為河南行省左丞相詔曰朕踐

位以來命伯顏為太師秦王中書大丞相而伯顏不
能安分專權自恣欺朕年幼輕視太皇太后及朕弟
燕帖古思變亂祖宗成憲害天下加以極刑允合
輿論朕念先朝之故尚存憫恤今命伯顏出為河南
行省左丞相所有元領諸衛親軍并怯薛丹人等詔
書到時即許散還以太保馬札兒台為太師中書右
丞相太尉塔失海牙為太傅知樞密院事塔馬赤為
太保御史大夫脫脫為知樞密院事汪家奴為中書
平章政事嶺北行省平章政事也先帖木兒為御史
大夫增設京城米鋪從便賑糶壬寅詔除知樞密院

事脫脫之外諸王侯不得懸帶弓箭環刀輒入內府
癸卯太陰犯心宿乙巳罷各處船戶提舉廣東採珠
提舉二司丁未太陰犯羅堰立延徽寺以奉寧宗祀
事罷司裡監罷通州河西務等處抽分按利房大都
東裏山查提領所戊申熒惑犯月星巳酉彗星如房
星大色白狀如粉絮尾跡約長五寸餘彗指西南漸
向西北行是月福寧州大水溺歿人民京畿五州十
一縣水每戶賑米兩月三月甲寅漳州義士陳君用
襲殺反賊李志甫授君用同知漳州路總管府事乙
卯益都般陽等處饑賑之丙辰赦漳潮二州民爲李

志甫劉虎仔脅從之罪褒贈軍將死事者丁巳大幹
耳朶思風雪爲災馬多死以鈔八萬錠賑之癸亥四
怯薛役戶饑賑米一千石鈔二千錠成宗潛邸四怯
薛戶饑賑米二百石鈔二百錠以知樞密院事脫脫
御史大夫別兒怯不花知樞密院事牙不花知經筵
事中書參議阿魯佛住兼經筵官太陰犯軒轅丁卯
詔賜江南行臺御史中丞史惟良御史中丞耿煥山
東廉訪使張友諒中書參知政事許有壬上尊東帛
庚午太陰犯房宿辛未詔徙伯顏於南恩州陽春縣
安置壬申太陰犯南斗丁丑以治書侍御史達識帖

睦邇爲奎章閣大學士翰林直學士揭傒斯爲奎章閣供奉學士。戊寅太白犯月星辛巳彗星見自二月巳酉至三月庚辰凡三十二日是月淮安路山陽縣饑賑鈔二千五百錠給糧兩月順德路邢臺縣饑賑鈔三千錠夏四月巳丑享于太廟庚寅詔大天元延壽寺立明宗神御殿碑以同知樞密院事鐵木兒塔識爲中書右丞丙午詔封馬札兒台爲忠王及加答刺罕之號馬札兒台辭五月癸丑禁民間藏軍器乙卯監察御史普魯台言右丞相馬札兒台辭答刺罕及王爵名號宜示天下以勸廉讓從之巳未詔以党

兀巴太子擒賊阿荅里胡歿於王事追封涼王謚忠烈漳州龍巖尉黃佐才獲李志甫餘黨鄭子箕佐才因與賊戰妻子四十餘口皆遇害以佐才爲龍巖縣尹丁卯太陰犯斗宿辛未降鈔萬錠給守衛宮闕內外門禁唐兀左右阿速貴赤阿兒渾欽察等衛軍丙子車駕時巡上都置月祭各影堂香於大明殿遇行禮時令省臣就殿迎香祭之以宦者伯不花爲長寧寺卿是月濟南饑賑鈔萬錠六月丙申詔撤文宗廟主徙太皇太后不答失里東安州安置放太子燕帖古思於高麗。其畧曰昔我皇祖武宗皇帝昇遐之後

祖母太皇太后惑於憮慝。俾皇考明宗皇帝出封雲南。英宗遇害。正統寢偏。我皇考以武宗之嫡。逃居朔漠。宗王大臣同心翊戴。肇啓大事。于是以地近先迎文宗。暫總機務。繼知天理人倫之攸當。假讓位之名。以寶璽來上。皇考推誠不疑。即授以皇太子寶。文宗稔惡不悛。當躬迓之際。乃與其臣月魯不花也里牙明里董阿等謀為不軌。使我皇考飲恨上賓。歸而再御宸極。思欲自解於天下。乃謂夫何數日之間。宮車弗駕。海內聞之。靡不切齒。又私圖傳子。乃構邪言。嫁禍於八不沙皇后。謂朕非明宗之子。遂俾出居遐陬。

上天。不繼。內。愧。慙。則。殺。也。里。牙。以。杜。口。明。考。之。家。嗣。而。立。孺。稚。之。弟。懿。璘。質。班。奄。復。不。年。諸。王。大。臣。以。賢。以。長。扶。朕。以。位。國。之。大。政。屬。不。自。遂。者。誰。能。敢。舉。每。念。治。必。本。以。公。盡。孝。事。莫。先。於。正。名。賴。天。之。靈。精。好。屏。黜。盡。孝。正。名。不。容。復。緩。永。惟。鞠。育。罔。極。之。思。忘。忘。不。共。戴。天。之。土。我。既。往。之。罪。不。可。勝。誅。其。命。天。嘗。徹。去。脫。脫。木。兒。在。廟。之。主。不。答。失。里。本。朕。之。孀。乃。陰。謀。奸。臣。弗。體。朕。意。僭。膺。太。皇。太。后。之。號。迹。其。閨。門。之。禍。離。間。骨。肉。罪。惡。尤。重。揆。之。大。義。削。去。鴻。名。徒。

東安州安置。燕帖古思。昔雖幼冲。理難同處。朕終不
 陷於覆轍。專務殘酷。惟放諸高麗。當時賊臣月魯不
 花。七里牙已死。其以明里董阿等。明正典刑。監察御
 史崔敬言。燕帖古思。不宜放逐。不報。己亥。秦州。成。狂
 賊。山崩地拆。癸卯。太白晝見。己酉。太白復晝見。辛亥。
 太白晝見。夜犯歲星。是月。濟南路。歷城縣。饑。賑鈔二
 千五百錠。秋。七月。甲寅。太白晝見。詔封微子為仁靖
 王。箕子為仁獻公。比干。加封為仁顯忠烈公。乙卯。奉
 天。路。盤屋縣。河水溢。漂流人民。丁巳。太白晝見。戊子。
 星文示異。遺失寧。聖早相。仍頒罪已。

享于太廟。己未。以亦憐直。犯心宿壬戌。至癸亥。太白
 晝見。甲子。太白陰犯羅堰乙。燕帖古思。薨。詔以鈔一百
 錠。備物祭之。癸酉。太白晝見。戊寅。命翰林學士承旨
 燕帖古思。章閣學士。夔夔等。之地。大風雪。羊馬皆死。賑
 賑帖古思。烈。千十三站。每站一。千錠。是月。禁色。日。人勿妻
 其叔母。八月。壬午。以也先。帖木兒。為御長。大夫。戊子。
 祭社稷。是月。車駕至。自。上。都。九月。辛亥。明里董阿。伏
 誅。癸丑。加封。漢張飛。武義。忠顯。英烈。靈惠。助順。王。辛。

百太白犯虛梁丙寅詔今後有罪者毋籍其妻女
詔人丁卯太陰犯昴宿癸未歲星甲戌太陰犯軒
壽冬十月甲申奉玉冊玉璽尊皇考為順天立道睿
文智武大聖孝皇帝親裸太室庚寅奉符長清元
清平四縣饑詔遣制國用司官驗而賑之辛卯各
馬人不許與常選壬辰立南王阿刺罕淮安王伯
顏河南王阿木祠堂丁酉太白入南斗己亥太白犯
斗宿壬寅馬札兒台辭右丞相職仍為太師以脫
為中書右丞相宗正札魯沁赤鐵木兒不花為中
左丞相是月河南府宜陽縣大水漂沒民廬溺

者眾人給殯葬鈔一錠仍賑義倉糧兩月十一月甲
寅監察御史世圖爾言宜禁荅失蠻回回主吾人等
叔伯為婚姻乙卯太陰犯虛梁以親裸大禮慶成御
大明殿受群臣朝戊午熒惑犯氐宿甲子月食辰星
犯東咸辛未以孔克堅襲封衍聖公戊寅辰星犯天
罡是月處州婺州飢以常平義食糧賑之十二月復
科舉取士制國子監積分生員三年一次依科舉例
入會試中者取一十八名癸未太陰犯虛梁乙酉太
陰犯土公丁亥熒惑犯鈞鈴戊子罷天曆以後增設
太禧宗禋等院及奎章閣乙未熒惑犯東咸戊戌太

陰犯明堂是月東平路民飢賑之寶慶路大雪深四尺五寸公丁亥癸卯於地餘人于謂天刑以懲其德莫大于克孝治莫大於克賢朕早歷多難入紹大統仰思祖宗付托之重戰兢惕勵于茲八年。慨念皇考久勞于外甫卽大位四海缺望夙夜追慕不忘于懷。乃以至元六年十月初四日奉玉冊玉寶追上皇考曰順天立道睿文智武大聖孝皇帝被服袞冕裸于大室式展孝誠十有一月六日勉徇大禮慶成之請御大明殿受群臣朝爰自去春。疇咨于衆以知樞

密院事馬札兒台爲太師右丞相以正百官以親萬民尋卽控辭養卽私第再三諭旨勉令就位自春徂秋其請益固朕憫其勞日以察其至誠不忍煩之以政俾解機務仍爲太師而知樞密院事脫脫早歲輔朕克著忠貞乃命爲中書右丞相宗正札魯忽赤帖木兒不花嘗歷政府嘉績著聞爲中書左丞相並錄軍國重事夫三公論道以輔予德三相總政以弼予治其以至元七年爲至正元年。與天下更始甲寅熒惑犯天江丁巳享于太廟庚申太陰犯井宿癸亥詔天壽節禁屠宰六日辛未太陰犯心宿癸酉太陰犯

斗宿甲戌太白晝見凡四日是月命脫脫領經筵事
命永明寺寫金字經一藏免天下稅糧五分湖南諸
路飢賑糶米十八萬九千七十六石二月戊寅祭社
稷巳卯太白晝見庚辰太白復晝見辛巳立廣福庫
罷藏珍等庫乙酉濟南濱州沾化等縣飢以鈔五萬
三千錠賑之丙戌太白晝見癸巳太陰犯明堂乙未
加封皇姊不答昔你明惠貞懿大長公主是月大都
寶坻縣飢賑米兩月河間莫州滄州等處飢賑鈔二
萬五千錠晉州饒陽阜平安喜靈壽四縣飢賑鈔二
萬錠印造至元鈔九十九萬錠中統鈔一萬錠三月

庚戌罷兩淮屯田手號打捕軍役今屬本所領之癸
丑命屯儲禦軍於河南芍陂洪澤德安三處屯種甲
寅給還帖木兒不花宣讓王印鎮淮西巳未汴梁地
震大都路涿州范陽房山饑賑鈔四千錠丙子以行
省平章政事燕帖木兒就佩虎符提調屯田是月般
陽路長山等縣饑賑鈔萬錠彰德路安陽等縣饑賑
鈔萬五千錠夏四月丁丑道州土賊蔣丙等反破江
華縣掠明遠縣戊寅彰德有赤風自西北起晝晦如
夜甲申享于太廟丁亥臨賀縣民被徭寇鈔掠發義
食糧賑之庚寅帝幸護聖寺命中書右丞鐵木兒塔

附編 侯謝修
識爲平章政事阿魯爲右丞許有壬爲左丞癸巳立
富昌庫隸資正院復立衛候司丁酉以兩浙水災免
歲辦餘鹽三萬引己亥立吏部司績官庚子復封太
師馬札兒台爲忠王罷朔州河西務彰德饑賑鈔萬
五千錠是月車駕時巡上都五月戊申以崇文監屬
翰林國史院己未罷河西務行用庫壬戌月食是月
賑阿刺忽等處被災之民三千九百一十三戶給鈔
二萬一千七百五錠閏五月丁丑收封徽州土神汪
華爲昭忠廣仁武烈靈顯王甲午賞賜扈從明宗諸
三官屬八百七人金銀鈔幣各有義壬寅詔刻宣文

至正三寶六月戊午禁高麗及諸處民以親子爲宦
者因避賦役戊辰改舊奎章閣爲宣文閣庚午太陰
犯井宿是月揚州路崇明通泰等州海潮湧溢溺死
一千六百餘人賑鈔萬一千八百二十錠秋七月己
卯享于太廟乙酉太陰犯填星庚寅太陰犯雲雨八
月戊申祭社稷是日車駕至自上都九月庚辰太陰
犯建星壬午賜文臣燕於拱辰堂己丑冀寧路嘉禾
生異畝同穎壬辰太陰犯鉞星又犯井宿壬寅許有
壬進講明仁殿帝悅賜酒宣文閣中仍賜貂裘金織
紋幣冬十月丁未享于太廟己酉封阿沙不花順寧

王昔寶赤寒食順國公甲寅中書省臣奏海運不給
宜令江浙行省於中政院財賦府撥賜諸人寺觀田
糧總運二百六十萬石從之乙卯歲星犯氐宿丁巳
太陰犯月星戊午月食既十一月丙子道州路賊何
仁甫等反戊寅彰德屬縣各添設縣尉一員庚辰分
吏部禮部兵部刑部爲二庫戶部工部爲二庫各設
管勾一員己亥太陰犯東井庚子太陰犯天江徭賊
寇邊詔湖廣行省平章政事鞏卜班總兵討平之定
賞有差十二月乙卯詔民年八十以上蒙古人賜繒
帛二表裏其餘州縣旌以高年耆德之名免其家雜

後丁巳太白犯壘壁陣己未立四川安岳縣增設嘉
興寺處鹽倉壬戌雲南車里寒賽刀等反詔雲南行
省平章政事脫脫木兒討平之癸亥以在庫至元十
統鈔二百八十二萬二千四百八十八錠可支二
住造明年鈔本詔華王伯顏察兒等所獻檀景等
達金地土山東燕南強盜縱橫至三百餘處選官
之復立拱儀局己巳以翰林學士承旨張起巖知
其事是月復立司禮監加封真定路澤州河神爲
佑靈源侯

二年春正月丁丑享于太廟丙戌開京師金口行春

五十七尺廣一百一十尺後夫一十萬戊子太陰犯明
堂癸巳遣翰林學士三保等代祀五嶽四瀆甲午癸
亥祀月星是月六月饑人相食運京師糧賑之順寧
保安饑賑鈔一萬錠廣平磁威州饑賑鈔五萬錠降
成平府為縣升蔚州為路以大寧路所轄興中義州
屬懿州二月壬寅頒農桑輯要戊申祭社稷乙卯李
沙的偽造御寶璽旨稱樞密院都事伏誅己巳織造
明宗御容是月彰德路安陽臨漳等縣饑賑鈔二萬
錠大同路渾源州饑以鈔六萬二千錠糧二萬石兼賑
之六名路饑以鈔一萬二千錠賑之河間路饑以鈔五

五萬錠賑之三月戊寅親試進士七十八人賜拜住
陳相仁及第其餘出身有差辛巳冀寧路饑賑糶米
三萬石戊子太陰犯房宿是月順德路平鄉縣饑賑
鈔萬五千錠衛輝路饑賑鈔萬五千錠杭州路火災
給鈔萬錠賑之夏四月辛丑冀寧路平晉縣地震聲
鳴如雷裂地尺餘民居皆傾乙巳享于太廟己酉罷
雲南蒙慶宣慰司庚申太陰犯羅堰是月車駕時巡
上都五月甲申太白經天丁亥以江浙行省平章政
事只而瓦台為河南行省平章政事東平雨雹如馬
首六月戊申命江浙撥賜僧道田還官徵糧以備軍

儲壬子濟南山崩水湧乙丑罷邦牙宣慰司是月汾水大溢秋七月庚午惠州路羅浮山崩辛未享于太廟乙未太陰掩太白丁酉太白晝見己亥慶遠路莫八聚衆反攻陷南丹左右兩江等處命脫脫赤顏討平之立司獄司於上都比大都兵馬司是月拂郎國貢異馬長一丈尺三寸高六尺四寸身純黑後二蹄皆白八月庚子朔日有食之癸卯罷上都事產提舉司丙午太白晝見戊申祭社稷是月冀寧路饑賑糶米萬五千右九月己巳詔遣湖廣行省平章政事鞏卜班領河南江浙湖廣諸軍討道州賊平之復平

寨二百餘處辛未車駕至自上都丁丑太陰犯羅堰京城強賊四起戊子太陰犯井宿是月歸德府睢陽縣因黃河爲患民飢賑糶米萬三千五百石冬十月己亥朔日有食之癸卯太陰犯建星陝西行省平章政事朶朶辭職侍親不允丁未享于太廟甲寅太陰犯天關壬戌詔遣官致祭孔子于曲阜罷織染提舉司甲子杭州嘉興紹興溫州台州等路各立檢校批驗鹽引所權免兩浙額鹽十萬引福建餘鹽三萬引十一月甲申詔免雲南明年差稅辛卯歲星熒惑太白聚於尾宿十二月壬寅申服色之禁丙午命中書

右丞太平樞密副使姚庸御史中丞張起巖知經筵
事巳酉京師地震辛亥封晃火帖木兒之子徹里帖
木兒爲撫寧王丙辰賜雲南行省參知政事不老三
珠虎符以兵討死可伐癸亥阿魯禿滿等以謀害宰
臣圖爲叛逆伏誅

順治巳亥年十月初八日

江寧府儒學教授朱謨校

元史紀卷四十終

紀卷第四十一

元史四十一

南京國子監

祭酒黃儒炳

補刊

司業葉燦

順帝四

三年春正月丙子中書左丞許有壬辭職丁丑享于
太廟乙酉中書平章政事納麟辭職庚寅沙汰怯薛
丹名數二月戊戌祭社稷甲辰太陰犯井宿填星犯
牛宿熒惑犯羅堰丁未立四川省檢校官遼陽吾者
野人叛乙卯太陰犯氏宿是月汴梁路新鄭密二縣
地震寶慶路饑判官文殊奴以所受勅牒貸官糧萬

天啟三年刊

元史紀卷四十一

一

石賑之秦州成紀縣鞏昌府寧遠伏羗縣山崩水涌
溺死人無筭三月壬申造鹿頂殿監察御史成遵等
言可用終場下第舉人充學正山長國學生會試不
中者與終場舉人同戊寅詔作新風憲在內之官有
不法者監察御史劾之在外之官有不法者行臺監
察御史劾之歲以八月終出巡次年四月中還司壬
午太陰犯氐宿是月詔脩遼金宋三史以中書右丞
相脫脫爲都總裁官中書平章政事鐵木兒塔識中
書右丞太平御史中丞張起巖翰林學士歐陽玄侍
御史呂思誠翰林侍講學士揭傒斯爲總裁官夏四

月丙申朔日有食之乙巳享于太廟是月兩都桑果
葉皆生黃色龍文車駕時巡上都五月河決白茅口
六月壬子命經筵官月進講者三是月回回刺里五
百餘人渡河寇掠解吉隰等州中書戶部以國用不
足請樽節浮費秋七月丁卯享于太廟戊辰修大都
城戊寅立永昌等處宣慰司庚辰太白犯右執法是
月興國路大旱河南自四月至是月霖雨不止戶部
復言樽節錢糧八月甲午朔晉寧路臨汾縣獻嘉禾
一莖有八穗者命朶思麻同知宣慰司事鎖兒哈等
討四川上蓬瑣吃賊戊戌祭社稷山東有賊焚掠兗

州是月車駕還自上都九月甲子湖廣行省平章政事鞏卜班擒道州賀州徭賊首唐大二蔣仁五至京誅之其黨蔣丙自號順天王攻破連桂二州甲申修理太廟遣官告祭奉遷神主於後殿冬十月乙未增立巡防捕盜所於永昌丁酉告祭太廟奉安神主戊戌帝將祀南郊告祭太廟至寧宗室問曰朕寧宗兄也當拜否太常博士劉聞對曰寧宗雖弟其爲帝時陛下爲之臣春秋時魯閔公弟也僖公兄也閔公先爲君宗廟之祭未聞僖公不拜陛下當拜帝乃拜丁未月食己酉帝親祀上帝于南郊以太祖配癸丑命

僉樞密院事韓元善爲中書叅知政事中書叅議買木丁同知宣徽院事己未以郊祀禮成詔大赦天下文官普減一資武官陞散官一等蠲民間田租五分賜高年帛以湖廣行省平章政事鞏卜般爲宣徽院使行樞密院知院刺刺爲翰林學士承旨十一月辛未享于太廟十二月丙申詔寫金字藏經丁未以別兒怯不花爲中書左丞相是月膠州及屬邑高密地震河南等處民飢賑糶麥十萬石是歲詔立常平倉罷民間食塩徵遺逸脫因伯顏張瑾杜本本辭不至四年春正月辛未享于太廟辛巳詔定守令黜陟之

法六事備者陞一等四事備者減一資三事備者平
遷六事俱不備者降一等庚寅河決曹州雇夫萬五
千八百脩築之是月河又決汴梁二月戊戌祭社稷
辛丑四川行省立惠民藥局是月中書右丞太平陞
平章政事閏月辛酉朔永平澧州等路飢賑之乙亥
月食三月丁酉復立武功縣壬寅特授八禿麻朶兒
只征東行省左丞相嗣高麗國王癸丑以河南行省
平章政事納麟爲中書平章政事集賢大學士姚庸
爲中書左丞夏四月丁亥復立廣樣局是月車駕時
巡上都五月乙未右丞相脫脫辭職不許甲辰許之

以阿魯圖爲中書右丞相乙巳封脫脫爲鄭王食邑
安豐賜金印及海青文豹等物俱辭不受是月大霖
雨黃河溢平地水二丈決白茅堤金堤曹濮濟堯皆
被災六月戊辰鞏昌隴西縣飢每戶貸常平倉粟三
斗俟年豐還官巳巳賜脫脫松江田爲立松江等處
稻田提領所秋七月戊子朔温州颶風大似海水溢
地震益都瀕海塩徒郭火你赤作亂巳丑享于太廟
是月灤河水溢八月戊午祭社稷丁卯山東霖雨民
飢相食賑之丙戌賜脫脫金十錠銀五十錠鈔萬錠
幣帛二百疋辭不受是月陝西行省立惠民藥局莒

州蒙陰縣地震郭火你赤上太行由陵川入壺關至
廣平殺兵馬指揮復還益都車駕還自上都九月丁
亥朔日有食之丙午命太平提調都水監辛亥以南
臺治書侍御史秦從德爲江浙行省參知政事提調
海運癸丑命御史大夫也先帖木兒平章政事鐵木
兒塔識知經筵事右丞達識帖睦迺提調宣文閣知
經筵事冬十月乙酉議脩黃河淮河堤堰十一月丁
亥朔以各郡縣民飢不許抑配食塩復令民入粟補
官以備賑濟戊子禁內外官民宴會不得用珠花已
亥保定路飢以鈔八萬錠糶萬石賑之戊申河南民

訓楊廷選爲宣慰使賜弓矢鞍勒使諭俱藍等國己
卯命諸軍習舟楫給鈔八千錠於隆興宣德等處和
糴以贍之庚辰太陰入南斗壬午車駕畋于近郊以四
川歸附官楊文安爲荆南道宣慰使改廣東提刑按
察司爲海北廣東道廣西按察司爲廣西海北道福
建按察司爲福建閩海道鞏昌按察司爲河西隴北
道癸未撥忽蘭及塔刺不平等四千戶隸皇太子位
下壬戌救於禿烈禿等富戶內貸牛六百頭給乞里
吉思之貧乏者二月戊子定兩廣四川戍軍二三年
一更廩其家屬軍官給俸以贍之賜俱藍國三瓦你

金符賜駙馬阿禿江南民千戶以春秋仲月上戊日
祭社稷及武成王庚寅太陰掩昴癸巳赦韓院錢仍其
舊丁酉給別十八里屯田軍戰襖庚子赦權貴所占
田土量給各戶之外餘者悉以與怯薛帶等耕之減
四川官府併西川東西北三道宣慰司及潼川等路
鎮守萬戶府新軍總管府威灌茂等州安撫司十四
處是夜太白犯昴辛丑定軍官選格立官吏贓罪法
壬寅太白犯昴乙巳令隆興行省遣軍護送占城糧
船太陰犯心丁未定安洞酋長遣一兵兄弟入覲赦給驛
馬已酉陞闡遺監秩正五品癸丑諭中書省大事奏

聞小事便宜行之毋致稽緩甲寅降太醫院爲尚醫
監改給銅印之江南等處官醫提舉司賜日本軍官
八忽帶及軍士銀鈔有差赦遣官錄揚州囚徒三月
丁巳諸王勝納合兒設王府官三員以萬戶不都蠻
鎮守金齒罷女直造日本出征船罷河西行御史臺立
鞏昌等處行工部罷福建市舶總管府存提舉司併
泉州行省入福建行省免福建歸附後未徵苗稅以
闕闕你敦治江淮行省或言其過命兀奴忽帶伯顏
佐之戊午以新附洞蠻酋長爲千戶己未歲星犯鏡
閉罷京兆行省立行工部御史臺臣言平濠造船五

臺山造寺伐木及南城建新寺凡役四萬人乞罷之
詔伐木造寺即罷之造船一事其與省臣議前後衛
軍自願征日本者命選留五衛漢軍千餘其新附軍
令悉行庚申太陰犯井辛酉賞諸王合班第忙兀帶所
部軍士戰功銀鈔幣帛衣服各有差給甘州戍軍鈔
壬戌太陰犯鬼乙丑命兀奴忽魯帶往揚州錄囚遣江
北重囚謫征日本立雲南按察司照刷行省文卷罷
淮安等處淘金官惟計戶取金以阿合馬綿絹絲線
給貧民工匠給王傳兀訥忽帖只印給西川福建兩
廣之任官驛馬以湖南宣慰使張鼎新行省叅知政

獻巡燕南山東道兵部尚書不花樞密院判官靳義
巡河東陝西道宣政院同知伯家奴宣徽僉院王也
速迭兒巡山北遼東道荆湖北道宣慰使阿乞刺兩
淮運使杜德遠巡雲南省上都留守阿牙赤陝西行
省左丞王紳巡甘肅永昌道大都留守荅爾麻失里
河南行省叅知政事王守誠巡四川省前西臺中丞
定定集賢侍講學士蘇天爵巡京畿道平江路達魯
花赤左丞納失里都水監貫惟貞巡海北海南廣東
道黃河泛溢辛未遼金宋三史成右丞相阿魯圖進
之帝曰史既成書前人善者朕當取以爲法惡者取

元史紀卷四十一
七
以爲戒。然豈止激勸爲君者爲臣者亦當知之。卿等其體朕心。以前代善惡爲勉。己卯監察御史不谷失里請罷造作不急之務。是月以呂思誠爲中書參知政事。十一月甲午至正條格成。奉元路陳望叔僞稱燕帖古思太子伏誅。十二月丁巳詔定薦舉守令法。是歲宣徽院使篤憐憐。穆適知樞密院事。馮思溫爲御史中丞。

六年春二月庚戌朔日有食之。辛未興國雨雹大者如馬。是月山東地震七日乃止。三月辛未盜扼李開務之閘河。劫商旅船兩淮。運使宋文瓚言世皇開

會通河千有餘里。運米至京者五百萬石。今騎賊不過四十人。劫船二百艘。而莫能捕。恐運道阻塞。乞選能臣率壯勇千騎捕之。不聽。戊申京畿盜起。范陽縣請增設縣尉及巡警兵。從之。山東盜起。詔中書參知政事鎖南班至東二十鎮。遏八番龍宜來進馬。夏四月壬子遼陽爲浦海。青煩擾吾者野人及水達達皆叛。癸丑以長吉爲皇太子宫傅。官頒至正條格於天下。甲寅以中書參知政事呂思誠爲左丞。乙卯享於太廟。丁卯車駕時巡上都。發米二十萬石賑糶貧民萬戶。買住等討吾者野人。遇害。詔恤其家。以中書

左丞呂思誠知經筵事命左右二司六部吏屬於午
後講習經史五月壬午陝西饑禁酒象州盜起江西
田賦提舉司擾民罷之丁亥盜竊太廟神主遣火兒
忽荅討吾者野人丁酉以黃河決立河南山東都水
監六月己酉汀州連城縣民羅天麟陳積萬叛陷長
汀縣福建元帥府經歷言寶萬戶廉和尚等討之丁
巳詔以雲南賊死可伐盜據一方侵奪路甸命亦禿
渾爲雲南行省平章政事討之秋七月己卯享于太
廟丙戌以遼陽吾者野人守未靖命太保伯撒里爲
遼陽行省左丞相鎮之丁亥降詔招諭死可伐散毛

洞蠻單全在叛招降之以爲散毛誓厓等處軍民宣
撫使置官屬給宣勅虎符設立驛鋪癸巳詔選怯薛
官爲路府縣達魯花赤丙申以朶兒直班爲中書右
丞答兒麻爲參知政事壬寅以御史大夫亦憐真班
等知經筵事甲辰京畿奉使宣撫定定奉言御史撒
八兒等罪杖黜之時諸道奉使皆與臺憲互相掩蔽
惟定定與湖廣道拔實糾舉無避八月丙午命江浙
行省右丞忽都不花江西行省右丞禿魯統軍合討
羅天麟戊申祭社稷是月車駕還上都九月乙酉
克復長汀戊子邵武地震有聲如鼓至夜復鳴冬十

月思靖徭寇犯武岡詔湖廣省臣及湖南宣慰元帥完者帖木兒討之俘斬數百級徭賊敗走閏月乙亥詔赦天下免差稅三分水旱之地全免靖州徭賊吳天保陷黔陽癸未汀州賊徒羅德用殺首賊羅天麟陳積萬以首級送官餘黨悉平十二月丁丑省臣改擬明宗母壽童皇后徽號曰莊獻嗣聖皇后已卯改立山東東西道宣慰使司都元帥府開設屯田駐軍馬甲申詔復立大護國仁王寺昭應宮財用規運總管府凡貸民間錢二十六萬餘錠辛卯有司以賞賚汎濫奏請恩賜必先經省臺院定擬甲午設立海海

刺秃屯田二處詔犯賊罪之人常選不用復立八百宣慰司以上官韓部襲其父爵辛丑以吉刺班爲太尉開府置僚屬壬寅山東河南盜起遣左右阿速衛指揮不兒國等討之是歲黃河決尚書李綱請躬祀郊廟近正人遠邪佞以崇陽抑陰不聽

七年春正月甲辰朔日有食之大寒而風朝官仆者數人已酉享于太廟壬子命中書左丞相別兒怯不花爲右丞相尋辭職丁巳復立東路都蒙古軍都元帥府庚申雲南老丫等蠻來降立老丫取凍路軍民總管府丙寅以廣西宣慰使章伯顏討徭獠有功陞

湖廣行省左丞詔以怯薛丹支給浩繁除累朝定額
外悉罷之二月甲戌朔興聖宮作佛事賜鈔二千錠
已卯山東地震壞城郭棣州有聲如雷河南山東盜
蔓延濟寧滕邳徐州等處庚辰以中書參知政事鎖
南班爲中書右丞道童爲中書參知政事丙戌以宦
者伯帖木兒爲司徒是月徭賊吳天保寇沅州以阿
吉刺爲知樞密院事整治軍務三月甲辰中書省臣
言世祖之朝省臺院奏事給事中專掌之以授國史
纂修近年廢弛恐萬世之後一代成功無從稽考乙
復舊制從之乙巳遣使銓選雲南官員修光天殿庚

戌試國子監會食弟子員選補路府及各衛學正戊
午詔編六條政類庚申監察御史王士點劾集賢大
學士吳直方躡進官階奪其宣命乙丑雲南王孛羅
來獻死可伐之捷壬申遣使修上都大乾元寺命有
司定吊罽諸王公主駙馬禮儀之數夏四月乙亥命
江浙省臣講究後法己卯享于太廟辛巳遣達本賀
方使于占城以通政院使朶郎言兒爲遼陽行省參
知政事討吾者野人已丑發米二十萬石賑糶貧民
以翰林學士承旨定住爲中書右丞庚寅復命別兒
怯不花爲中書右丞相以中書平章政事鐵木兒塔

識為左丞相臨清廣平灤河等處盜起遣兵捕之通州盜起監察御史言通州密邇京城而盜賊蜂起宜增兵討之以杜其源不聽是月河東大旱民多饑死遣使賑之車駕時巡上都五月庚戌徭賊吳天保陷武岡路詔遣湖廣行省右丞沙班統軍討之乙丑右丞相別兒怯不花以調廢失宜災異迭見罷詔以太保就第是月臨淄地震七日乃止六月詔免太師馬札兒台官安置西寧州其子脫脫請與父俱行以御史大夫太平為中書平章政事彰德路大饑民相食秋七月甲寅召隱士完者圖執禮哈瑁為翰林待制

張樞董立為翰林修撰李夢元為著作郎張樞不至丙辰太陰犯壘壁陣丁巳以江南行臺大夫納麟為御史大夫是月徭賊吳天保復寇沅州陷淑浦辰漢縣所存焚掠無遺徙馬札兒台於甘肅以別兒怯不花之譖也九月癸卯八憐內哈刺那海禿魯和伯賊起斷嶺先驛道甲辰遼陽霜早傷禾賑濟驛戶戊申車駕還自上都癸丑上都幹百朵成用鈔九千餘錠甲寅詔舉材能學業之人以備侍衛丁巳中書左丞相鐵木兒塔識薨辛酉以御史大夫朵兒只為中書左丞相甲子集慶路盜起鎮南二字羅不花討平之

丁卯徭寇吳天保復陷武岡延及寶慶殺湖廣行省
右丞沙班于軍中冬十月辛未享于太廟丁丑詔左
右丞相平章樞密知院御史大夫得賜玉揮字印餘
官不與庚辰詔建木華黎伯顏祠堂於東平丙戌亦
憐一天答兒及遣兵討之辛卯開東華射圃戊戌西蕃
盜起凡二百餘所陷哈刺火州劫供御蒲萄酒殺使
臣是月徭賊吳天保復寇沅州州兵擊走之十一月
辛丑監察御史曲曲以宦者隴晉憑藉寵幸驟陞榮
祿大夫迨到三代曰宅踰制上疏劾之甲辰沿江盜
起剽掠無忌有司莫能禁兩淮運使宋文瓚上言江

陰通泰江海之門戶而鎮江真州次之國初設萬戶
府以鎮其地今戍將非人致使賊艦往來無常集慶
花山劫賊才三十六人官軍萬數不能進討反爲所
敗後竟假手鹽後雖能成功豈不貽笑宜亟選知勇
以任兵柄以圖後功不然東南五省租賦之地恐非
國家之有不聽撥山東地土十六萬二千餘頃屬大
承天護聖寺乙巳戶書戶部言各處水旱田禾不收
湖廣雲南盜賊蜂起兵費不給而各位怯薛冗食甚
多乞賜分揀帝牽於眾請令三年後減之庚戌太陰
犯天廩懷慶路饑徭賊吳天保復陷武岡命湖廣行

省平章政事苟爾領兵討之以河決命工部尚書迷兒馬哈謨行視金堤甲寅徭賊吳天保陷靖州命威順王寬徹不花鎮南王孛羅不花及湖廣江西二省以兵討之丁巳命中書平章政事太平為左丞相辭不允戊午命河南山東都府發兵討湖廣洞蠻己未以中書省平章政事韓嘉納為郟西行臺御史大夫迤北荒旱缺食遣使賑濟驛戶丁卯海北湖南徭賊竊發兩月餘有司不以聞詔罪之并降散官一等是月馬札兒台薨召脫脫還京師十二月庚午以中書左丞相朶兒只為右丞相平章政事太平為左丞相

詔天下丙子以連年水旱民多失業選臺閣名臣二十六人出為郡守縣令仍許民間利害實封呈省壬子晉寧東昌東平恩州高唐等處民饑賑鈔十四萬錠米六萬石丙戌中書省臣建議以河南賊盜出入無常宜分撥達達軍與揚州舊軍於河南水陸關隘戍守東至徐邳北至夾馬營遇賊掩捕從之是月陝西行御史臺臣劾奏別兒怯不花乃逆臣之親子不可居太保之職不從是歲置中書議事平章四人隆福宮三皇后弘吉剌氏木納失里薨

八年春正月戊戌朔命也先帖木兒知樞密院事丁

未亨于太廟辛亥黃河決遷濟寧路於濟州詔各官
府諳練事務之人毋得遷調詔翰林國史院纂修后
妃功臣列傳學士承旨張起巖學士楊宗瑞侍讀學
士黃潛爲總裁官左丞相太平左丞呂思誠領其事
甲子木憐等處大雪羊馬凍死賑之是月詔給銅虎
符以官尉完者不花貴赤衛副指揮使壽山監湖廣
軍命湖廣行省右丞禿赤湖南宣慰都元帥完者帖
木兒討莫磐洞諸蠻斬首數百級其餘三十餘洞縛
其洞首楊鹿五赴京師二月癸酉御史大夫納麟加
太尉致仕己亥以北邊沙土若寒罷海海刺禿屯田

丙子命太子愛猷識理達臘習讀畏吾兒文字庚辰
太陰犯軒轅癸未太陰犯平道甲子命星吉爲江南
行臺御史大夫壬辰太平言孛答月禿忙兀三處屯
田世祖朝以行營舊站撥屬虎賁司後爲豪有力者
所奪遂失其利今宜仍前撥還從之是月以前奉使
宣撫賈惟貞稱職特授永平路總管會歲飢惟貞請
降鈔四萬餘錠賑之詔濟寧鄆城立行都水監以賈
魯爲都水三月丁酉詔以東帛旌郡縣守令之廉勤
者遼東鎖火奴反詐稱大金子孫水達達路脫脫木
孫唐兀火魯火孫討擒之壬寅土番盜起有司請不

拘資級委官討之福建盜起地遠難於討捕詔汀漳
二州立分元帥府轄之癸卯帝親試進士一百有八
人賜阿魯輝帖木兒王宗哲進士及第餘出身有差
已酉湖廣行省遣使獻石壁洞蠻捷丙辰太陰犯建
星已未遣使詣江浙江西湖廣四川雲南銓福建番
廣蠻夷等處官員選辛酉遼陽兀顏揆魯歡妄稱大
金子孫受玉帝符文作亂官軍討斬之壬戌六條政
類書成京畿民飢徽州路達魯花赤哈刺不花以政
績聞詔賜金帛旌之是月徭賊吳天保復寇沅州夏
四月辛未河間等路以連年河決水旱相仍戶口消

耗乞減塩額詔從之乙亥帝幸國子學賜衍聖公銀
印升秩從二品定弟子員出身及奔喪省親等法詔
守令選立社長專一勸課農桑詔京官三品以上歲
舉守令一人守令到任三月亦舉一人自代其玉典
赤拱衛百戶不得授縣達魯花赤止授佐貳久著廉
能則用之平江松江水災給海運糧十萬石賑之丁
丑遼陽董哈刺作亂鎮撫欽察討擒之已卯海寧州
沐陽縣等處盜起遣翰林學士禿堅不花討之是月
享於太廟車駕時巡上都命脫脫爲太傅湖廣章伯
顏引兵捕土寇莫萬五蠻雷等已而廣西峒賊乘隙

入寇伯顏退走五月丁酉朔大霖雨京城崩庚子廣
 西山崩水湧灘江溢平地水深二丈餘屋宇人畜漂
 沒壬子寶慶大水丁巳四川旱飢禁酒六月丙寅朔
 陞徐州為總管府以邳宿滕嶧四州隸之丙戌立司
 天臺於上都是月山東大水民飢賑之秋七月丙申
 朔日有食之辛丑復立五道河屯田乙巳享于太廟
 旌表大都節婦鞏氏門戊申西北邊軍民飢遣使賑
 之壬子量移竄徙官於近地安置死者聽歸葬乙卯
 遣使祭曲阜孔子廟江州路總管劉恒有政績陞授
 山東宣慰使丙辰以阿剌不花為大司徒八月丙子

太陰犯壘壁陣己卯山東雨雹是月車望還自上都
 九月己未太陰犯靈臺冬十月丁亥廣西蠻掠道州
 十一月辛亥徭賊吳天保率衆六萬掠全州是歲詔
 賜高年帛設分元帥府於沂州以買列的為元帥備
 山東寇台州方國珍為亂聚衆海上命江浙行省參
 知政事朶思只孫討之監察御史張楨劾太尉阿乞
 剽欺罔之罪又言明里董阿也里牙月魯不花皆陸
 下不共戴天之讎伯顏賊殺宗室嘉王鄭王一十二
 口稽之古法當伏門誅而其子兄弟尚仕于朝宜急
 誅竄別兒怯不花阿附權姦亦宜遠貶今災異迭見

盜賊蜂起海寇叢於要君聞帥取於玩寇若不振舉
恐有唐末藩鎮墜濟之禍不聽監察御史李泌言世
祖誓不與高麗共事陛下踐世祖之位何忍忘世祖
之言乃以高麗奇氏亦位皇后今災異屢起河決地
震盜賊滋蔓皆陰盛陽微之象乞仍降為妃庶幾三
辰奠位災異可息不聽

紀卷第四十一
大凡曰未太創亦靈星卷十凡
山東兩
自土

